

貳本下半本

詩義折中卷之七

唐風一之十

唐國名木帝堯舊都周成王以封弟叔虞其俗勤儉質樸憂深思遠有堯之遺風焉後改號晉仍謂之唐者從其初也

蟋蟀在堂歲事其莫今我不樂日月其除無已大康
職思其居好樂無荒良士瞿瞿

賦也蟋蟀蟲名歲莫而蟋蟀猶在者蓋其種類甚多能從蟋蟀而居屋中皆能度冬也除夫也太
來過於樂也職主也居所處之位也瞿瞿邦之
德思其居故常內省也朱子曰唐俗勤儉其
我勞苦不敢少休及歲晚務閑乃敢相與飲
導然其憂深而思遠也故方燕樂而又慮其
不已過於樂乎蓋亦顧念其身之所居者使雖好



御纂詩義折中卷之七

唐風一之十

唐國名本帝堯舊都周成王以封弟叔虞其俗勤儉質樸憂深思遠有堯之遺風焉後改號晉仍謂之唐者從其初也

蟋蟀在堂歲聿其莫今我不樂日月其除無已大康
職思其居好樂無荒良士瞿瞿

賦也蟋蟀蟲名歲莫而蟋蟀猶在者蓋其種類甚多如促織竈馬在煖屋中皆能度冬也除去也大康過於樂也職主也居所處之位也瞿瞿却顧之貌思其居故常內省也朱子曰唐俗勤儉其民終歲勞苦不敢少休及歲晚務閒乃敢相與燕飲爲樂然其憂深而思遠也故方燕樂而又遽相戒曰不已過於樂乎盍亦顧念其身之所居者使雖好

樂而無荒若彼良士之長慮而却顧焉則可以不
至於廢事也蓋其民俗之厚而前聖遺風之遠如
此

蟋蟀在堂歲聿其逝今我不樂日月其邁無已大康

職思其外好樂無荒良士蹶蹶

賦也逝往也邁去之速也外所居之餘也所居之
外凡有關於居者皆思之也蹶蹶敏於事也思其
外故常勤勉也

蟋蟀在堂役車其休今我不樂日月其慆無已大康

職思其憂好樂無荒良士休休

賦也役車載任器以供役者歲晚則役車休農工
畢也慆去而不返也憂意外之患也思居思外思
其常也思憂思其變也休休安閒之貌能思憂則
無憂矣故休休也

蟋蟀三章章八句

蟋蟀勸思也人情莫不好樂然患大康而至
於荒荒則失業將有憂矣荒則失心并不知
其有憂矣故治荒莫若思思者心之職也思
欲其詳又恐其雜故貴慎也思欲其深又恐
其遠故貴近也欲近而慎必先思居居者所
處之位也素其位而思則無處不有當爲之
事不敢雜矣無時不有當盡之功不暇遠矣
故曰思不出其位也不出位則位之外可不
思矣而又思其外者何也外者居之餘也一
身以外皆人也一室以外皆地也上下四旁
之地親疎遠近之人皆念及之而後一室之
內可以久處故思其外正所以安其居也如
是則有備無患矣然而人之患常出於所備
之外苟自謂無患則荒而失心勢必荒而失
業以至於憂而不救故常恐其有憂而必思
之似可以無憂而亦必思之於是乎有終身

之憂而無一朝之患矣故曰思深哉其有陶唐氏之遺風乎

山有樞隰有榆子有衣裳弗曳弗婁子有車馬弗馳

弗驅宛其死矣他人是愉

興也樞刺榆也榆白粉也婁亦曳也宛坐見貌愉樂也言山之有樞隰之有榆供人用也今子有衣裳而弗曳婁有車馬而弗馳驅夫其不用是欲常保其有也而不知一旦溘逝其所有者乃爲他人用矣一生辛苦而他人是愉豈不大愚也哉

山有栲櫟有杻子有廷內弗洒弗埽子有鐘鼓弗鼓弗考宛其死矣他人是保

興也栲山櫟也杻櫨也考擊也抑之詩曰夙興夜寐洒埽廷內維民之章關雎之詩曰窈窕淑女鐘鼓樂之然則埽廷內而考鐘鼓亦政教所闕非小

節也

山有漆隰有栗子有酒食何不曰鼓瑟且以喜樂且以永日宛其死矣他人入室

興也易曰需于酒食貞吉禮記曰君子無故不去琴瑟然則酒食琴瑟亦禮樂之大端也朱子曰人多憂則覺日短飲食作樂可以永長此日也

山有樞三章章八句

山有樞廣儉也昔先王之教人勤儉以致富者非徒備物蓋將以用之也因所有而善用之則所以厚生者即所以正德是故曳婁衣裳以章身也馳驅車馬以立功也酒掃廷內以行禮也考擊鐘鼓以奏樂也酒食可以娛賓琴瑟可以志喜樂可以陶性永日可以娛引年此則所謂國奢示儉國儉示禮乃富而教之實功豈徒日及時行樂已哉

揚之水白石鑿鑿素衣朱襮從子于沃既見君子云何不樂

比也鑿鑿巖之貌襮領也諸侯之服朱中衣而繡黼領此云素衣朱襮降於諸侯也子指桓叔也沃曲沃也晉昭侯封桓叔於曲沃晉弱而曲沃強故詩人憂之言揚水緩弱而白石巖巖水之力不能轉石以比晉之力不能制沃也素衣朱襮始封之服也從子于沃從封之官也既見君子得預其政也桓叔得大邑已從之而預其政則宜樂矣而若有不樂者何哉自問之詞也

揚之水白石皓皓素衣朱繡從子于鵠既見君子云

何其憂

比也朱繡卽朱襮也襮上繡爲黼形也鵠曲沃之邑也曲沃爲都而又有旁邑見封地之廣也憂則

更甚於不樂矣

揚之水白石粼粼我聞有命不敢以告人

比也粼粼水清石見之貌命桓叔之令也既見君子故得聞之聞之而不敢告人此則其不樂而憂之故也夫不敢告必有不可告者也不可告而又告人曰不敢告則不啻告之矣嚴粲曰不敢告人正所以告晉也

揚之水三章章六句一章四句

揚之水憂晉也晉穆侯之太子曰仇其弟曰成師穆侯卒仇立是爲文侯文侯卒昭侯立封成師於曲沃是爲桓叔師服諫曰國家之立也本大而末小是以能固今晉甸侯而建國本既弱矣其能久乎其後晉潘父弑昭侯而納桓叔不克此蓋桓叔受封之初與潘父有成謀詩人聞之而微其詞以告人也夫既從桓叔而乃露其陰謀豈非負恩哉聖人

椒聊之實蕃衍盈升彼其之子碩大無朋椒聊且遠條且

錄之者重公義也凡受君恩而以國情告賊者是助逆也聖人之所誅也受私恩而以賊情告君者是反正也聖人之所與也詩錄揚之水教人不以私恩廢公義也侯犯以郈叛叔孫謂郈工師駟赤曰郈非惟叔孫氏之憂社稷之患也將若之何駟赤對曰臣之業在揚水卒章之四言矣叔孫稽首駟赤卒出侯犯而以郈歸叔孫能反正矣知此詩之義矣

興而比也椒樹名其實辛而烈聊語助詞朋比也且歎詞遠條長枝也曲沃強盛詩人憂之故言椒聊之實蕃衍則盈升矣彼其之子碩大則無朋矣又言椒聊遠條者歎其枝遠而實益蕃以比曲沃之子孫曰盛將爲晉國之患也

椒聊之實蕃衍盈匊彼其之子實大且篤椒聊且遠
條且

興而比也兩手曰匊篤厚也鄧元錫曰碩大無朋
况大都耦國也碩大且篤况厚施得衆也嚴粲曰
此詩言桓叔之強而不及昭侯其意則憂昭侯之
弱而非主桓叔言在此而意在彼也

椒聊二章章六句

椒聊惡曲沃也左傳曰先王之制大都不過
三國之一中五之一小九之一大小有等所
以強幹弱枝也晉之曲沃大都耦國矣桓叔
之子孫曰衆必有繁枝傷本之患坐視其強
盛而不爲之所非奮發而剪其宗親則隱忍
而釀爲篡奪事有必至勢難兩生故詩人預
料而深憂之也春秋諸國私邑強而公室卑
者多矣獨曲沃哉故分封之初都邑之大小

不可不熟計也

綢繆束薪三星在天今夕何夕見此良人子兮子兮
如此良人何

賦也綢繆纏綿也良人夫稱也國亂民貧婚姻不能備禮故當初婚之夕而酒饌不設但有綢繆之束薪而已燈燭稀微但見三星之在天而已淒涼如此此何夕也而乃見良人則良人之艱窘可知也子兮子兮見者相謂也良人家貧無以為禮而見者亦貧不能資助故共相嗟嘆以為無如此良人何也

綢繆束薪三星在隅今夕何夕見此邂逅子兮子兮
如此邂逅何

賦也隅東南隅也昏見之星轉而在隅夜已久也邂逅新婦至而行禮也其禮草率如人之邂逅相

遇也

綢繆束楚三星在戶今夕何夕見此粲者子兮子兮
如此粲者何

賦也戶在室南在隅之星轉而在戶夜已分也粲
美也粲者謂新婦也

綢繆三章章六句

綢繆憫貧也晉與曲沃屢世構兵民貧日甚
不能備物故冠婚無以爲禮也一家凋敝比
戶皆然故親友莫能相助也如此詩之所詠
其由來非一朝矣沃之椒聊蕃衍私家日富
也晉之束薪綢繆公室日貧也歷觀春秋諸
國大抵諸侯虐用其民而大夫庇之民之所
歸財之所聚故公室貧而私家富諸侯猶不
悟而多取於民以使之日貧豈不愚哉

有杕之杜其葉湑湑獨行踽踽豈無他人不如我同
父嗟行之人胡不比焉人無兄弟胡不佞焉

興也杕特生貌杜赤棠也湑湑潤澤貌踽踽無所親也比輔佞助也朱子曰杕然之杜其葉猶湑湑然人無兄弟則獨行踽踽曾杕杜之不若也鄧元錫曰他人不如同父一本故也呂祖謙曰苟他人可恃則行道之人胡不自相親比人無兄弟胡不
外求佞助蓋深曉晉君以行道之人必不相親苟非兄弟必不相助也

有杕之杜其葉菁菁獨行畏畏豈無他人不如我同
姓嗟行之人胡不比焉人無兄弟胡不佞焉

興也菁菁盛貌畏畏無所依也同姓同祖也

杕杜二章章九句

杖杜刺晉君也不能親其宗族骨肉離散獨
居而無兄弟也夫曲沃之子孫曰衆矣晉君
不之憂也而又疎忌其兄弟椒聊杜杜比而
觀之孰存孰亡不待智者而後知矣抑沃之
桓叔莊伯以晉無兄弟之故而取其國乃獻
公又忌桓莊之子孫而戮之文公以後中軍
執政不用公族卒爲六卿所分遠兄弟而利
他人後先相望也前覆而後不鑒何哉

羔裘豹祛自我人居居豈無他人維子之故

賦而比也祛袂也羔裘豹祛大夫之服也羔能羣
而豹有力以比大夫之仁且勇也居居聚而不散
也言大夫能仁而且勇故人自聚而不散非無他
人之可歸以子之故不忍去也

羔裘豹褫自我人究究豈無他人維子之好

賦而比也褫猶祛也究究集而能安也鴻雁之詩
曰其究安宅是也

羔裘二章章四句

羔裘美大夫也。潘父之弑，昭侯也。晉人立孝侯，莊伯之弑，孝侯也。晉人立鄂侯，武公之弑，哀侯也。晉人立小子侯，以曲沃之強暴而晉屢世立君者，此必有大夫焉，能撫其民而用之，其民不散，故其國猶存也。羔裘之所美意者，卽其人與豈無他人？謂曲沃也。言不歸沃而歸晉者，惟大夫之故也。夫晉雖弱，人君也，曲沃雖強，人臣也。弑君之賊，人人所得誅也。大夫能於危亡之際，留已去之人，心扶弱君以討強臣，事之不濟，則天也。豈人謀尙有可訾哉？詩錄羔裘所以嘉危時之義，士憚弱國之孤臣爲後世勸也。

肅肅鵠羽集于苞栩，王事靡盬，不能蓺稷黍，父母何怙。悠悠蒼天，曷其有所。

興也肅肅羽聲鵠鳥名毛傳曰鵠之性不樹止苞
叢樹櫟也孔穎達曰監與蠱同壞也靡監言不可
壞也執樹怙恃也晉人困於征役言鵠不樹止而
今集于樹是失所也民以王事之故不得養其父
母亦如鵠之失所也何時而能有所乎無所告而
訴於天也

肅肅鵠翼集于苞棘王事靡盬不能執耒耰父母何
食悠悠蒼天曷其有極

興也極已也黃佐曰征役已則得耕田以供子職
矣

肅肅鵠行集于苞桑王事靡盬不能執耒耰父母何
嘗悠悠蒼天曷其有常

興也行列也常復其常也人有常道能復其常則
亂定而征役可已矣

鵠羽三章章七句

詩序曰鵠羽刺時也春秋隱公五年王命虢公伐曲沃而立哀侯于翼桓公九年虢仲芮伯欒伯荀侯賈伯伐曲沃所謂王事也伐曲沃而不能克立晉君而不能定所謂靡盬也晉人以此之故征役不已而至於失所原其始皆由於失常夫常者人之倫也君君臣臣是謂倫常今曲沃以大夫而篡弑臣失常矣王命不能行於曲沃君亦失常也至於王命不行則亂無由定矣無所可望故望天也所望天心厭亂牖我王心赫然勵精以圖治則君能出令誰敢干之君令而不違臣共而不貳則曲沃之篡弑不作而虢公虢仲之征役亦已民乃得執黍稷稻粱以養其父母上下皆復其常矣故有常而後有極有極而後有所此實撥亂返治之要道非空言也齊景公問政於孔子孔子對曰君君臣臣父父子子

有常之謂也

豈曰無衣七兮不如子之衣安且吉兮

賦也衣七七命之衣也侯伯七命子謂武公也史記曲沃桓叔之孫武公伐晉取之盡以其寶器賂周釐王王使虢公命曲沃伯為晉侯曲沃人喜之故言此七命之服自莊伯以來舊有之焉然不如子之衣乃新命於王為安且吉也吉之云者既受王命則諸侯不得而討之也

豈曰無衣六兮不如子之衣安且燠兮

賦也衣六六命之衣也天子之卿六命燠煖也燠之云者謂既受王命則可久享晉國之富強也

無衣二章章三句

無衣傷世變也武公之罪大矣是王法所必誅也釐王貪其寶器誅討不加而晉命之是彰賂而教弑也異日者魏斯韓虔趙籍相繼

而起又移所以命武公者命三卿矣隄防一
決其流潰而不可止也抑武公篡弑而以賂
得命豈不自雄其計不旋踵而已之大夫亦
效其所爲也出爾反爾可不戒哉

有杖之杜生于道左彼君子兮噬肯適我中心好之

曷飲食之

此也道左僻處也噬發語詞曷何也朱子曰此人
好賢而恐不足以致之故言杖然之杜生于道左
其蔭不足以休息如已之寡弱不足恃賴則彼君
子者亦安肯顧而適我哉然其中心好之則不已
也但無自而得飲食之耳夫以好賢之心如此則
賢者安有不至而何寡弱之足患哉

有杖之杜生于道周彼君子兮噬肯來遊中心好之

曷飲食之

比也周曲也朱公遷曰道左則僻道周則迂枋杜
生于偏僻迂迴之地力薄位卑有若此矣彼君子
者適我且不肯况肯來以遨遊乎以意之淺深爲
次序也

有枋之杜二章章六句

有枋之杜美好賢也武公以簒得國諸侯不
與也然以逆取之能以順守知立國在於得
人故欲君子見輔而飲食之雖其心未必一
出於正而其迹則與中心好賢者無異蓋亦
有足多者故詩人美之也厥後晉之卿材輩
出如狐趙欒卻荀范韓魏之祖皆起於武獻
之間文公悼公借衆賢之力以相繼爲伯於
天下武公啟之也以逆取國故卒有瓜分之
禍以順守之故遞主中夏之盟春秋之法功
罪不相掩故無衣枋杜並存於經所謂惡而
知其美賞罰之公也

葛生蒙楚藟蔓于野予美亡此誰與獨處

賦也藟草名此婦人夫亡送葬而思與同穴也言葛生藟蔓在此曠野予心所美乃亡於此誰與同居乎塊然獨處而已

葛生蒙棘藟蔓于域予美亡此誰與獨息

賦也域塋域也言葛生藟蔓在此塋域予美乃亡於此誰與同室乎子然獨息而已何楷曰此其夫所葬之地也

角枕粲兮錦衾爛兮予美亡此誰與獨旦

賦也角枕錦衾斂襲之具此臨其穴而望之也言棺木之內衾枕鮮明予美亡此謂與同寢乎獨宿至旦而已念及此則守節而與之合葬誼不容已矣

夏之日冬之夜百歲之後歸于其居

賦也居墓也言夏日永冬夜永百年之內無時不
思要死而相從耳歸于其居則有與同處矣

冬之夜夏之日百歲之後歸于其室

賦也室壙也歸于其室則有與同息且同旦矣

葛生五章章四句

葛生美思婦也性情純篤而又不過於激烈
此婦人苦節守志從一而終之正道故聖人
有取焉

采芩采芩首陽之巔人之爲言苟亦無信舍旃舍旃
苟亦無然人之爲言胡得焉

此也芩菌也首陽山名巔頂也舍置旃之也言采
芩者必至首陽之巔親見其芩而後采之也人之
爲言未嘗目覩則姑勿遽信即使其言近理可信
亦姑置之勿遽以爲然而徐察之則讒言胡得行

哉張榜曰讒人似是之言能投於卒然之頃而不能不露於徐察之後故舍旃舍旃爲止讒之法也
采苦采苦首陽之下人之爲言苟亦無與舍旃舍旃
苟亦無然人之爲言胡得焉

比也苦菜名與許也信之則許之矣

采葑采葑首陽之東人之爲言苟亦無從舍旃舍旃
苟亦無然人之爲言胡得焉

比也從聽而行之也許之則行之矣謂無稽之言且勿信之卽信其言勿許其事卽使許之且勿行之但姑舍之置之不議不論則情僞自見矣

采芩三章章八句

詩序曰采芩刺晉獻公也夫驪姬之譖申生其事至易明也曲沃之胙置諸宮中已六日

矣未有毒在肉中六日而不腐者苟亦無信則其情立見而惜乎其遽信而遽從之也唐德宗以郾國公主之故欲廢太子而立舒王李泌爭之且請從容三日究其端緒間一曰上開延英殿召泌流涕曰非卿切言朕今日悔無及矣太子仁孝無他也此則舍旃舍旃之明驗也小弁之詩曰君子不惠不舒究之舒究云者舍旃而徐察之謂也

唐風十二篇三十三章二百三句

秦風一之十一

秦國名在禹貢雍州之域初伯益佐禹賜姓嬴氏其後中潯居西戎其七世孫非子事周孝王養馬於汧渭之間封爲附庸而邑之秦其曾孫秦仲爲大夫犬戎作難平王東遷秦仲孫以兵送之王封爲侯是爲襄公曰能逐犬戎卽有岐豐之地故秦居西都其後遂代周而有天下

有車鄰鄰有馬白顛未見君子寺人之令

賦也鄰鄰衆車之聲白顛額有白毛也寺人內官令傳命也朱子曰是時秦君始有車馬及此寺人之官將見者必先使寺人通之故國人創見而誇美之也

阪有漆隰有栗既見君子並坐鼓瑟今者不樂逝者

其耄

賦也阪漆隰栗所種之樹也定中之詩曰樹之榛栗椅桐梓漆是也鼓瑟初有琴瑟也八十曰耄言寺人傳令尊卑之分甚嚴並坐鼓瑟上下之情甚洽未見如彼既見如此當此時而不樂則日月如流而老將至矣蓋立國之初人情懽忻鼓舞之甚也

阪有桑隰有楊既見君子並坐鼓簧今者不樂逝者

其亡

賦也黃笙中金葉吹笙則簧動故曰鼓也逝而不
雷曰亡逝者其耄言遲暮之景轉盼卽至來日苦
少也逝者其亡言少壯之年往而不返去日苦多
也

車鄰三章一章四句二章章六句

詩序曰車鄰美秦仲也始有車馬侍御禮樂
也國之將興必有嘉祥所謂祥者非符瑞之
謂也物產茂育人心和樂則爲祥莫大焉觀
此詩之所詠車衆馬多武備足也漆栗桑楊
種植盛也力耕勇戰之業兆矣其君能遠下
之情而忘分以盡歡其臣能感君之恩而及
時以自獻其慷慨沉雄諸國不逮也招人州
而朝同列有以也夫然邦家新造首重寺人
識者憂之故開國之規模不可不慎也

四馬載孔阜六轡在手公之媚子從公于狩

賦也駢驪馬也駟駢四馬皆驪也孔甚阜大也四馬八轡言六轡者兩驂內轡納之於舐故在手者止六轡也媚子所親愛之人也從公于狩習武事也

奉時辰牡辰牡孔碩公曰左之舍拔則獲

賦也時是辰時也辰牡者冬狼夏麋春秋鹿豕之類奉之者虞人翼以待射也公曰左之逐禽左也拔矢括也舍拔則獲矢不虛發言御之良而射之善也

遊于北園四馬既閑輶車鸞鑣載獫狁驕

賦也閑調習也輶輕也鸞鈴也鑣馬銜置鈴於銜之兩旁故曰鸞鑣獫狁驕皆犬名以車載犬休息之也徐常吉日田事既畢人遊而馬閑車輕而犬休見從容整暇之意也

四馬駟三章章四句

詩序曰駟駟美襄公也襄公始命爲侯而有岐豐之地遵周之遺制用周之遺民故其射御田獵之事猶不異於古所云觀其奉時辰牡非所謂一發五狔乎公曰左之舍拔則獲與不失其馳舍矢如破同矣遊于北園馬閑犬息所稱蕭蕭馬鳴徒御不驚者其庶幾焉故曰此之謂夏聲大之至也其周之舊乎

小戎伐收五檠梁駟游環脅驅陰勒鑿續文茵暢轂
駕我騏驎言念君子溫其如玉在其板屋亂我心曲

賦也此襄公命將使伐西戎將士之妻思而賦之也小戎兵車也伐淺同收軫也大車軫深八尺兵車之軫四尺四寸故曰伐收也檠文貌梁駟軌也所以鉤衡以皮革五處束之其文厯錄然也游環勒環也貫驂馬之勒於其中前却無定所以制驂

馬使不得外出也脅驅以皮爲之前係於衡後係於軫所以驅驂馬使不得內入也陰揜軌之橫板也勒引車之韋帶也盜續陰板之上有續勒之孔銷白金以沃灌之也文茵以虎皮爲車褥也暢長也轂所以貫輪兵車之轂長於大車故曰暢轂馬色青黑曰騏左足白曰驥板屋者西戎之俗以板爲屋也溫其如玉美其德也戎事雖尙威究以德爲本故曰德威惟畏也亂我心曲則其思念之情不能自已也

四牡孔阜六轡在手騏驎是中駟驪是驂龍盾之合盜以艫軌言念君子溫其在邑方何爲期胡然我念之

賦也赤馬黑鬣曰駟中服馬也黃馬黑喙曰駟盾干也畫龍於盾合而載之以爲車衛也艫環之有舌者勒驂內轡也以艫係軌亦銷白金以爲飾也

邑城也前在板屋野處也今在邑則築城也患西戎之侵盜故築城以自衛且以鎮撫之也方將也言既築城邑則必久居將不知以何時爲歸期我胡然而念之蓋以義止情勉君子使久居其地也

伐孔羣公矛鏐鎡蒙伐有苑虎韞鏐膺交韞二弓

竹閉緄滕言念君子載寢載興厭厭良人秩秩德音

賦也伐駟以淺薄之甲被四馬欲其輕便也羣和也公予三隅矛也鎡矛之下端蒙雜伐干也畫雜羽於干上也虎韞以虎皮爲弓室也鏐膺鏐金以飾馬胸之帶也交韞交二弓於韞中顛倒安置之也閉弓鏐也緄繩滕約也以竹爲閉而以繩約之鏐弓體使正也載寢載興起居不寧也厭厭安重也秩秩有序也言既在邑而久鎮撫之有老成持重勿邀近功宣布德音使秩秩有序自近及遠則虎惠所及彼將自服如趙充國屯田以制羌實伐戎之要道也

小戎三章章十句

詩序曰小戎美襄公也易曰師貞丈人吉貞
師出以正也丈人老成之將也夫西戎殺秦
仲是襄公不共戴天之仇也又弑幽王是王
法必誅不赦之賊也今襄公奉天子之命以
討賊兵以義動可謂貞矣故婦人女子皆知
敵愾而無怨心也所用之將又能嚴以自衛
溫以和人老成持重而宣布德音非所謂又
人乎宜其克復仇恥而基伯王之業也夫其
攻守異勢而仁義不施乃始皇之過若襄公
之經營締造則曷可少哉讀駟驥小戎庶幾
哉有車攻采芑之遺風矣

蒹葭蒼蒼白露爲霜所謂伊人在水一方遡洄從之
道阻且長遡游從之宛在水中央

比也蒹葭蘆葦也蒼蒼色老也遡流而上曰遡洄

順流而涉曰遡游言時至深秋葭蒼露白將結爲霜肅殺之氣也秦政嚴急有此象焉故君子感時事而歸隱在水一方不可招而致也然君子非不欲仕也但惡不由其道逆其道而求之將終不可得見順其道而求之未嘗不宛在也而惜乎秦人終不能遡游從之也

兼葭淒淒白露未晞所謂伊人在水之湄遡洄從之道阻且躋遡游從之宛在水中坻

比也淒淒蕭瑟也晞乾也湄水草之交也躋升也言難至也坻渚也

兼葭采采白露未已所謂伊人在水之涘遡洄從之道阻且右遡游從之宛在水中沚

比也采采摧折也已止也白露不止則必爲霜矣右不相值而出其右也長與躋猶可至也不值而

出其石則終不至矣小渚曰止

蒹葭三章章八句

蒹葭刺遺賢也秦襄始封作西時而祀上帝
位在藩臣而臚於郊祀君子懼焉文公嗣立
初定三族之刑僭禮變法之端兆矣此與三代
聖王之治如春溫秋肅之相反故周之獻
民有抱道不仕而隱於山巔水湄者焉設使
秦人改其嚴急之政以禮求之行其道而仁
其民不追踪西方之美入乎無如霜露之勢
日盛則是道阻且右而所謂伊人終不可得
用矣詩人反覆於遡洄遡游之際蓋其以道
維世之心流連而不能已也

終南何有有條有梅君子至止錦衣狐裘顏如渥丹
其君也哉

興也終南山名條山楸也君子指其君也至止至

於終南之下也錦衣狐裘諸侯之服也渥漬也渥丹赤而澤也其君也哉言容貌衣服稱其爲君也朱子曰此秦人美其君之詞亦車鄰駟驥之意也終南何有有紀有堂君子至止黻衣繡裳佩玉將將壽考不忘

典也紀山之廉角也堂山之寬平處也黑與青謂之黻五色備謂之繡將將佩玉聲也壽考不忘頌戒之詞服其服居其位則宜有其德故祝其君之壽考又欲其不忘修德以稱此位也

終南二章章六句

終南秦人美其君也襄公之時岐豐之地尙爲犬戎所據文公始逐戎而走之東獵於汧渭之會至德公徒居雍則在終南之下也德公之子三人宣公成公遞讓國以及穆公而秦遂伯自文公至穆公累世皆有令德觀其

錦衣佩玉聲明文物之盛不減於上國而秦人之頌祝亦與天保有臺相侶矣民罔常懷懷於有仁彼其所以撫綏之者亦必有道焉使其後世不改德宣成穆之業天倫雍睦民情愛戴卽不變法豈不足以得天下無端而嚴刑峻令速其興適以速其亡也人謂周之得天下也以德秦之德天下也以刑不知秦之得之也亦以德其失之也則以刑觀於秦風可見矣

交交黃鳥止于棘誰從穆公子車奄息維此奄息百夫之特臨其穴惴惴其慄彼蒼者天殲我良人如可贖兮人百其身

興也交交飛而往來之貌從穆公從死也子車氏奄息名特傑出之稱穴壙也惴惴懼貌慄悼殲盡良善贖買也蘇轍曰臣之託君猶鳥之止木黃鳥

交交而和鳴三子乃不得其死曾黃鳥之不若也
孔穎達曰秦人哀傷三子臨視其穴惴然悼慄乃
愬之於天也朱子曰三子皆國之良若可買以他
人則人皆願百其身以易之矣

交交黃鳥止于桑誰從穆公子車仲行維此仲行百
夫之防臨其穴惴惴其慄彼蒼者天殲我良人如可
贖兮人百其身

興也防當也言一人可以當百夫也

交交黃鳥止于楚誰從穆公子車鍼虎維此鍼虎百
夫之禦臨其穴惴惴其慄彼蒼者天殲我良人如可
贖兮人百其身

興也禦止其侮也

黃鳥三章章十二句

詩序曰黃鳥哀三良也春秋文公六年秦伯任好卒以子車氏之三子為殉皆秦之良也國人哀之為之賦黃鳥君子曰秦穆之不為盟主也宜哉死而棄民先王違世猶詒之法而況奪之善人乎詩曰人之云亡邦國殄瘁無善人之謂也今縱無法以遺後嗣而又收其良以死難以在上矣君子是以知秦之不復東征也

鴛彼晨風鬱彼北林未見君子憂心欽欽如何如何

忘我實多

比也鴛疾飛貌晨風鷦也鬱盛密貌君子謂賢人欽欽憂而不已也晨風疾飛而入林比君子高蹈而遠引也君子隱處心常思之思而未見故憂而不已不知君子因何故而忘我實甚蓋欲知其所

以去之之故而得其所以來之之術也

山有苞櫟隰有六駮未見君子憂心靡樂如何如何

忘我實多

興也櫟柞櫟苞叢也駮梓榆也山宜有櫟隰宜有駮以興國宜有君子也未見君子則無以爲國故不樂也

山有苞棣隰有樹檉未見君子憂心如醉如何如何

忘我實多

興也棣唐棣檉赤羅也如醉則憂更甚矣

晨風三章章六句

詩序曰晨風刺康公也穆公好土西取由余於戎東得百里奚於宛求平豹公孫支於晉詢茲黃髮昧昧思賢故士多歸之康公

賢人去焉觀不承權輿之詩可見矣其上棄之其下思之并責其不可果於相忘此亦忠君憂國者之用心惜康公既棄君子并思君子者而亦棄之也國無小用賢則强亦無大棄賢則弱君子是以知康公之無能爲也

豈曰無衣與子同袍王于興師修我戈矛與子同仇

賦也袍襦也戈矛皆槍屬王于興師奉天子之命以興師也言豈爲無衣而與子同袍乎因王于興師將修戈矛以同敵王之所懷故先同袍以相親也朱善曰與子同袍恩愛相結於無事之時也與子同仇患難相恤於有事之日也許謙曰先王之制比閭族黨相保相愛八家同井相友相助平居交得其懽心一旦同在戰陣則其恩誼足以相救此王者之兵所以無敵也秦地周舊也故無衣之詩猶有先王之遺化焉

豈曰無衣與子同澤王于興師修我矛戟與子偕作

賦也。澤裏衣也。朱子曰：以其親膚近於垢澤，故謂之澤。戟，車戟也，長六尺。周官：建車之五兵，戈、殳、戟、酋矛、夷矛。

豈曰無衣與子同裳？王于興師，修我甲兵，與子偕行。

賦也行往也。偕，作始發也。偕行，則在道矣。

無衣三章章五句

無衣，勤王也。案此詩當在黃鳥之前。康公以後，無勤王之事。史稱襄王出居於鄭，使人告難於秦、晉。秦穆公將兵助晉，文公納襄王殺叔帶。此所謂王于興師也。自平王東遷，至於襄王八十餘年，王室之聲靈不及於岐、豐、西都之民。思先王如思高曾也。戴時王如戴父母也。一旦而奉王命以匡王室，其忠愛感奮勃發於心而不容自已，于載而下如將見之。以如是之民而棄以與秦，使秦撫而用焉，不以禦暴而以之為暴，可惜也。故周之失計未

有如東遷之甚者。朱子曰。雍州土厚水深。其民厚重質直。無鄭衛驕情浮靡之習。以善導之。則易興起而篤於仁義。以猛驅之。則其強毅果敢之質。亦足以勇戰力農。而成富強之業。非山東諸國之所及也。

我送舅氏曰至渭陽何以贈之路車乘黃

賦也。舅氏秦康公之舅晉公子重耳也。出亡在外。穆公召而納之。時康公爲太子。送之而作此詩也。渭水名。秦都雍至渭陽者。東行送之於咸陽也。路車諸侯之車也。乘黃四馬皆黃也。

我送舅氏悠悠我思何以贈之瓊瑰玉佩

賦也。悠悠長也。送舅氏而長思者。念其母也。瓊玉名。瑰美石也。佩玉之制。天子純用玉。諸侯以下雜用石。

渭陽二章章四句

詩序曰渭陽康公念母也康公之母晉獻公
之女也秦穆公納晉文公康公送之見舅氏
如見母焉故悠悠思之也經錄渭陽廣愛也
夫伯叔者父之兄弟也舅氏者母之兄弟也
列國之譜牒可考矣非同姓之宗族卽異姓
之婚姻苟能因愛父之故而愛伯叔因愛母
之故而愛甥舅則講信修睦兵戎何自起哉
觀康公以念母而送舅氏遂能使文公入而
晉國定文公伯而王室安蓋因親以廣愛而
其仁普矣故聖人有取焉案無衣當在黃鳥
之前此詩又當在無衣之前然則詩之錯簡
之多矣

於我乎夏屋渠渠今也每食無餘于嗟乎不承權輿

賦也夏大也渠渠深廣貌承繼也權輿始也穆公
好賢居之以大屋渠渠然深廣至於康公而禮貌
衰矣雖大屋如故而每食無餘不能繼其始也

於我乎每食四簋今也每食不飽于嗟乎不承權輿

賦也簋陳食之器易曰二簋可用享每食四簋言其盛也再言不承權輿深歎之也

權輿二章章五句

詩序曰權輿刺康公也忘先君之舊臣與賢者有始而無終也禮貌既衰賢人去焉蓋自是穆公之伯業衰矣故康公屢敗於晉桓景哀悼數世不競以及厲躁簡公出子之不寧皆權輿之詩為之兆也是故國之興衰以人心之卜之而已讀小戎無衣之詩人心合而知秦之必大讀晨風權輿之詩人心離而知秦之中衰向背之幾有如轉轂盛衰之應莫於桴鼓遍覽十五國治亂得失之故亦可以不占驗而識妖祥不著蔡而定吉凶矣故曰其或繼周者雖百世可知也

秦風十篇三十七章二百八十一句

言義抄中

卷之七

三

御纂詩義折中卷之八

陳風一之十二

陳國名在禹貢豫州之域帝舜之後閼父爲周陶正武王以元女太姬妻其子滿而封於陳與黃帝帝堯之後共爲三恪

子之湯兮宛丘之上兮洵有情兮而無望兮

賦也湯與蕩同宛丘地名洵信也望人所瞻仰也陳國無政在位者皆遊蕩於宛丘之上國人譏之以爲雖有情致而無威望也毛傳曰子大夫也

坎其擊鼓宛丘之下無冬無夏值其鷺羽

賦也坎鼓聲值植也鷺鳥名其羽可以爲翳舞者之所持也

坎其擊缶宛丘之道無冬無夏值其鷺羽

賦也。缶，瓦器，可以節樂，翫也。徐常吉曰：古者春秋教以禮樂，冬夏教以詩書。今冬夏值其羽翫，則無時而不舞矣。此書所謂恒舞也。

宛丘三章章四句

宛丘，陳人刺其上者也。昔胡公之封於陳也，武王妻以元女太姬。太姬好巫覡之事，相沿成俗，故在位者多敖遊而恒舞。夫其遊而舞也，亦有託而云然，以為有情也。且謂情之所鍾，不妨越禮而不知無威儀之節，則不足以定命。無莊涖之容，則不足以觀民。有情無望，非小失也。古今才士有文而無行，其病皆在於此。讀宛丘之詩，其亦可以自儆也夫。

東門之枌宛丘之栩子仲之子婆娑其下

賦也。枌，白榆也。栩，櫟名。子仲氏也。子仲之子，貴族之子也。鄭康成曰：之子，男子也。婆娑，舞貌。何楷曰：或舞於東門之枌下，或舞於宛丘之栩下，明其非

一時非一處也

穀旦于差南方之原不績其麻市也婆婆

賦也穀善也穀旦良辰也差擇也高平日原范祖禹曰民於善日則擇高明之地而荒樂焉是也不績其麻廢女工也市易也彼此交易而舞故曰市也

穀旦于逝越以鬻邁視爾如莪貽我握椒

賦也逝往越於鬻衆邁行也言穀旦往遊不暇擇地但視人衆之處而行焉則遊愈勤而志愈荒矣莪荻葵也椒芬芳之物也越以衆邁男女會矣於是男悅女曰視爾之貌如莪華於女遂貽以一握之椒而通情好也此與鄭之采蘭贈芍同俗故詩人敘其事而醜之也

東門之枌三章章四句

詩序曰東門之枌疾亂也疾其嬉遊而至於

淫亂也。昔先王之教民也。君子勤禮。小人盡力。傳曰。民生在勤。勤則不匱。又曰。民勞則思。思則善心生。逸則淫。淫則忘善。忘善則惡心生。今陳之俗。恒舞酣歌。在民上者。無冬夏而值其鷺羽。其下化之。越鹵邁而市也。婆娑則是上。不勤禮而下。不盡力也。有男不耕。孰授之食。有女不績。孰授之衣。女遊而冶。必至誨淫。男惰而貧。或至為盜。是不勤致匱。忘善而惡。心。生也。立國如此。何以長世。君子是以知陳之先亡也。

衡門之下可以棲遲泌之洋洋可以樂飢

賦也。衡門。橫木以為門也。棲遲。止息也。泌水。名。洋洋。流動之貌。朱子曰。此隱居自樂而無求者之詞。言衡門雖淺陋而亦可以遊息。泌水雖不可飽。然亦可以玩樂而忘飢也。

豈其食魚必河之魴豈其取妻必齊之姜

賦也姜齊姓飲食男女人之大欲存焉故以食魚
取妻概其餘也

豈其食魚必河之鯉豈其取妻必宋之子

賦也子宋姓豈其必者有亦不却無亦不求志有
在而不暇及乎此也

衡門三章章四句

衡門守道也人之有欲也皆期其必得必欲
得而不得於是乎目前之境皆以爲不可不
知境不同而道同得其所以處之道則境
無不可而道外之物皆可以不必是故衡門
泌水人所難安而心以爲可則可矣道固無
不在也魴鯉姜子人之所欲而心以爲不必
則果不必矣於道無加損也此則所謂素位
而行不願乎外者與可以無入而不得矣君
子哉

東門之池可以漚麻彼美淑姬可與晤歌

興也漚漸漬也鄭康成曰於池中柔麻使可緝績以作衣服興賢女能柔順君子成其德教也晤猶對也言淑姬賢女君子宜與晤對詠歌相切化也

東門之池可以漚紵彼美淑姬可與晤語

興也紵麻屬答述曰語晤語者迭爲問對相辨論也

東門之池可以漚菅彼美淑姬可與晤言

興也菅草名可以爲索自述曰言晤言者各陳己意互証明也

東門之池三章章四句

東門之池思賢妃也人君之德以養而成非一日之積也陳之爲國舊矣太姬之初已有巫風繼世之君必有恒舞於宮酣歌於室者

以爲非此無可與娛也諍臣直言謂宜不適
聲色則格而不入矣詩人思有以易之以爲
誠得賢媛相晤與歌與言如池水之漚麻漸
漬而不覺久而化焉則自知巫覡之紛若不
如淑姬之幽閒庶幾以琴瑟之靜好易羽翻
之婆娑矣然而豈易得哉此關雎之君子所
由寤寐思淑女也

東門之楊其葉牂牂昏以爲期明星煌煌

賦也牂牂盛貌煌煌大明也此與人有約而不信
也東門之楊所約之地也昏以爲期所約之時也
如期俟之至於明星已出而不來是失信而爽約
也

東門之楊其葉肺肺昏以爲期明星晢晢

賦也肺肺密貌晢晢小明也將曉則星光微矣

東門之楊二章章四句

東門之楊刺無信也。人之生也信義為大。以義相約。加之。以信久要。不忘。所以為成人也。世之衰也。人棄信而忍於作偽。離騷云。日黃昏。以為期兮。羌申道而改路。亦猶是矣。人情反覆。可勝歎哉。故君子之與人約也。必審其所約之事。必擇其與約之人。思其終也。思其復也。思其反也。誠慎之也。

墓門有棘斧以斯之夫也不良國人知之知而不已誰肯然矣

比也棘惡木斯析也夫謂陳佗也已去也誰肯猶疇昔也陳佗欲俟桓公之卒而作亂是墓門之棘也墓門有棘則宜斧以斯之乃佗之陰謀國人皆知而卒不能去蓋自疇昔已然非一日之積矣追咎桓公也

墓門有梅有鴟萃止夫也不良歌以訊之訊予不顧

顛倒思予

比也梅美木鴉惡鳥訊告也蘇轍曰墓門有梅而鴉集之梅雖美將得全乎以比桓公雖有太子免以爲後而佗在焉欲其無危不可得也歌以訊之告桓公也告之而不顧至於顛倒而後思予則已晚矣其後佗果殺免也則詩入之先見爲不可及矣

墓門二章章六句

詩序曰墓門刺陳佗也左傳隱公七年陳五父如鄭泄盟歆如忘洩伯曰五父必不免不賴盟矣是佗之不良國人知之鄰國亦知之而陳侯不知不明也知而不已不斷也不明不斷何以定亂是故歌以訊之望其明也斧以斯之望其斷也

防有鵲巢
卽有旨苕
誰侮予美
心焉忉忉

比也防隄也。叩叩也。旨美也。苔草名。好生下隰。侑
誑也。忉忉憂也。鵲巢於大樹。防以止水。安有鵲巢
若生於下濕。叩乃高。叩焉有旨。苔今皆謂有之以
比。譏人駕爲無實之詞。以欺人。所謂侑也。誰如此
以侑予心之所美。使我忉忉憂之也。

中唐有璧叩有旨鵲誰侑予美心焉惕惕

比也。唐廟中路名。璧。瓊瓛也。俗謂之磚。鵲。小草雜
色。如綬。惕惕懼也。上章言以無爲。有此言。似乎有
之。而實羅織其事也。歐陽修曰。中唐有璧。非一璧
也。以積累而成。路旨。鵲綬草。雜衆色。以成文。猶多
言交織以成。惑是也。其侑更巧。故憂之甚。而至於
懼也。

防有鵲巢二章章四句

詩序曰。防有鵲巢。憂讒賊也。夫讒賊亦多術
矣。防巢。叩苔。本無其事。而妄謂有之。所謂譴
張爲幻也。唐詩。叩鵲。集衆小事。而遂張大之。

所謂蕤蕤成錦也家國之際謔言一與變故
百出誠可畏也書曰無稽之言勿聽謂人之
多言苟非確有証據概斷之以勿聽則謔賊
止矣

月出皎兮佼人僚兮舒窈糾兮勞心悄兮

賦也皎明也佼美也佼人謂夏姬也僚好貌舒夏
徵舒也古人二名間有截用一字者如晉重耳傳
謂之重樂王鮒傳謂之鮒仲孫何忌經謂之忌是
也陳靈公與孔寧儀行父淫於夏氏夏姬之子徵
舒恥之故弑靈公此詩言當月出之時靈公悅夏
姬之佼好而其子徵舒幽窈糾結勢必為亂故中
心憂勞又悄然而不敢言也

月出皓兮佼人慍兮舒憂受兮勞心慍兮

賦也皓月光白也慍美而清也憂受憂思而忍受
也慍煩亂也悄然不言而中心煩亂不知所為也

月出照兮佼人燎兮舒天紹兮勞心慘兮

賦也照月光照人面也燎人面亦有光也天矯變紹糾緊慘哀痛也言其憂思而忍受者今天變而糾緊則禍發甚速故煩亂者至於哀痛知靈公之必不免也

月出三章章四句

月出憂靈公也淫之為禍烈矣淫人之女如其父何淫人之妻如其夫何淫人之母如其子何當其月皎人僚色授魂予之時而環伺而欲及之者己不可勝計矣聖人錄月出使淫亂之人知懽愛愈甚則禍機愈烈庶幾有畏而中止非徒播靈公之惡於衆也

胡為乎株林從夏南匪適株林從夏南

賦也株林夏氏之邑也夏南微舒之字也朱子曰靈公淫於夏氏朝夕而往其民相與語曰若胡為

平株林乎曰從夏南耳然則非適株林也特以從夏南故耳蓋淫乎夏姬不可言也故以從其子言之詩人之忠厚如此

駕我乘馬說于株野乘我乘駒朝食于株

賦也說舍也馬六尺以下曰駒說于株野者暮來而不返也朝食于株者未暮而即來也駕馬乘駒往來不息朝朝暮暮流連不已何為也哉則不必問而可知矣

株林二章章四句

詩序曰株林刺靈公也朱善曰衛之亂至牆茨而極於是春秋入衛之禍陳之亂至株林而極於是春秋入陳之禍然則狄非能入衛也宣姜實召之也楚非能入陳也夏姬實召之也此所謂女戎也比事以觀可以為淫亂者之戒矣

詩義指中

卷之八

彼澤之陂有蒲與荷有美一人傷如之何寤寐無爲

涕泗滂沱

興也陂澤障也荷芙蕖之葉也美人賢人也澤陂之草兼有蒲荷以興國中之美止有一人也夫有美一人可謂少矣又棄而不用則其傷心當如何哉無可如何故寤寐無爲但見其涕泗滂沱而已此如賈誼之痛哭流涕實有所不容已也

彼澤之陂有蒲與簡有美一人碩大且卷寤寐無爲

中心悁悁

興也蘭蘭也碩大壯盛也卷眷戀之意言忠君也碩大而且忠君授之以事宜無不肯爲者乃寤寐無爲但見其中心悁悁而已悁悁猶拳拳也

彼澤之陂有蒲菡萏有美一人碩大且儼寤寐無爲

展轉伏枕

興也。菡萏芙蕖之花也。儼矜莊之意。言敬事也。碩大而且敬事。授之以事宜。無不能爲者。乃寤寐無爲。但見其展轉伏枕而已。涕泗滂沱。急欲爲也。惓惓不忘爲也。伏枕則無志於爲矣。傷之至也。

澤陂三章章六句

澤陂。傷時也。靈公荒淫。泄治諫而殺之。諫臣被殺。則忠臣束手。傷心涕泣。而未如之何。故寤寐無爲也。夫天下之事。天下之人爲之也。或有事而無爲之之人。或有人而不得爲其事。如此詩之美人。碩大卷儼。才足有爲。且急欲爲事。至於流涕。而事卒不可爲。乃至無爲而伏枕。所謂雖有善者。亦無如之何也。故變風終於陳靈。天下之亂至此而極矣。

陳風十篇二十六章一百一十四句

檜風一之十三

檜國名在豫州外方滎波之間周武王封祝融之後於此鄭武公滅之而遷國焉

羔裘逍遙狐裘以朝豈不爾思勞心忉忉

賦也逍遙閒適也此君子去國而思其君也言羔裘以燕居狐裘以視朝衣服容止宛然在目豈能不爾思乎所以決於去者以朝無善政故我心忉忉而不能安也毛傳曰國無政令使我心勞是也

羔裘翱翔狐裘在堂豈不爾思我心憂傷

賦也翱翔遊行也堂路寢也人君日出視朝退適路寢以聽大夫所治之政在堂者但在而已無所設施故我心憂傷也

羔裘如膏日出有曜豈不爾思中心是悼

賦也如膏潤澤而明也有曜照之有光也石華其

衣服而不勤於政治故君之服愈美而我之心愈悼也

羔裘三章章四句

詩序曰羔裘大夫以道去其君也夫華其衣服逍遙翺翔皆細故也而君子去之者以道揆之也好華麗則日即於奢喜燕居則日習於怠奢者傲政之首而怠者積惡之原君子觀微而知著故決然去之也去之而猶思之不忘君之恩也思之而以去之故告之猶冀君之悟也故日以道去其君也

庶見素冠兮棘人樂樂兮勞心博博兮

賦也庶幸也縞冠素紕既祥之冠也棘瘠也李本曰棘葉少而枝瘦故謂居喪骨立者為棘人也樂樂毀瘠之貌輔廣曰素冠樂樂情與服稱也博博憂勞之貌世衰禮廢不行三年之喪故祥以後之衣冠不復見矣賢者遭喪欲復古禮而獨行無助

思得一素冠。素冠。樂樂之棘人與爲同志而不可見。故勞心博博也。

庶見素衣兮我心傷悲兮聊與子同歸兮

賦也。素冠則素衣矣。思而不見故傷悲也。欲與同歸愛慕之詞也。

庶見素韠兮我心蘊結兮聊與子如一兮

賦也。韠護膝。朱子曰。韠從裳色。素衣素裳則素韠矣。蘊結思之不解也。與子如一甚於同歸矣。

素冠三章章三句

詩序曰。素冠。刺不能三年也。夫三年之喪。天下之通喪也。賢者俯而就。不肖者跂而及。檜國之俗。不行此禮久矣。舉國不行而莫以爲非。一人行之而反以爲怪。賢者思一同志之人而不得。故憂之也。勞心博博。非虛語也。凡人之性。根性而動。父母之愛。天性也。性之所

動心不容己。故未見而傷悲。蘊結其心。實有所不安也。既見而同歸如一。以爲必如是而心乃盡也。先王制禮。亦因是心而已。豈強民而爲之哉。

隰有萇楚。猗儺其枝。天之沃沃。樂子之無知。

賦也。萇。楚。羊桃也。猗儺。柔美也。天。少好貌。沃沃。光澤貌。子。指萇楚也。朱子曰。政煩賦重。人不堪其苦。歎其不如草木之無知而無憂也。

隰有萇楚。猗儺其華。天之沃沃。樂子之無家。

賦也。樂無家者。苦有家之累也。

隰有萇楚。猗儺其實。天之沃沃。樂子之無室。

賦也。一門之內曰家。夫婦所居爲室。樂無室者。併不能養其妻也。

隰有萇楚三章章四句

隰有萋楚。民不樂生也。夫人懷五常之性。爲萬物之靈。誰甘於冥然無知者。且有心知。則必有情欲。聞以未有室家爲苦矣。未聞以無室家爲樂也。萋楚之民。樂無室家。困之至矣。言其樂深於訴其悲也。其所以致此者。豈無故哉。故君子聞安樂之音。思仁政之。所以斂怨。則爲法福聽哀苦之言。思虐政之。所以斂怨。則爲法爲戒之心。油然而興矣。

匪風發兮匪車偈兮顧瞻周道中心怛兮

賦也發揚起貌偈疾驅貌鄭康成曰周道周之政令也怛驚動也朱子曰言常時風發而車偈則中心怛然今非風發也非車偈也特顧瞻周道思念王室故中心爲之怛然耳

匪風飄兮匪車漂兮顧瞻周道中心弔兮

賦也飄回旋也漂漂搖不安之貌弔悲悼也有傷今思古之意矣

誰能亨魚漑之釜鬻誰將西歸懷之好音

興也亨烹同漑滌也鬻釜屬西歸歸於西周也朱子曰言能亨魚乎有則我願爲之漑其釜鬻誰將西歸乎有則我願慰之以好音以見思之之甚但有西歸之人卽思有以厚之也

匪風三章章四句

匪風思西周也鄭桓公寄孥於虢檜之間武公繼桓公爲平王司徒乃得虢檜之地而徙封焉是東遷之初虢檜猶在也檜之君子觀平王之政令非復文武之舊是以中心怛弔而思西歸也夫其思西歸者非直爲河山之固也蓋爲惠鮮懷保西周之所以撫其民者東周不復見矣禮樂征伐西周之所以經其世者東周不復存矣故慨然興懷欲以文武之道治之也已不能歸而思能歸之人則其所懷之好音必天下之至計而惜乎當日未

有聞之者也。

檜風四篇十二章四十五句

御纂詩義折中卷之九

曹風一之十四

曹國名在兖州陶邱之北周武王以封其弟振鐸

蜉蝣之羽衣裳楚楚心之憂矣於我歸處

比也蜉蝣蟲也俗名浮生浮生之生爲時甚暫其羽整潔如衣裳之楚楚以喻人之修飾衣裳者有似蜉蝣也君子心有憂焉欲其從我而得所歸庶乎可以久處也處安也得所歸則身安也

蜉蝣之翼采采衣服心之憂矣於我歸息

興也采采華彩也息靜也得所歸則心靜也

蜉蝣掘閱麻衣如雪心之憂矣於我歸說

興也閱與穴通管子曰掘閱得玉是也掘閱之本

色並無所謂楚楚采采也於是而悟性近習遠則可息處并可說駕矣

蜉蝣三章章四句

蜉蝣閱世也玩細娛而忘遠慮非僅蚩蚩之氓爲然矣其恃以不朽者何在孟子曰萬物皆備於我矣顧人各有我而迷者不悟矻矻窮年究不得其所歸則至人之心憂何時已哉

彼侯人兮何戈與祿彼其之子三百赤芾

賦也侯人道路迎送之人何與荷同祿受也赤芾冕服之韞也大夫以上服之侯人荷戈受爲赤芾者前導也言其榮也三百言其多也朱子曰晉文公入曹數其不用僖負羈而乘軒者三百人其謂

是與

維鵓在梁不濡其翼彼其之子不稱其服

比也鵜水鳥能入水以取魚在梁而不濡其翼以
比人之在其位而不盡其職也不盡其職則不稱
其服矣

維鵜在梁不濡其味彼其之子不遂其媾

比也味喙遂稱媾寵也不濡翼魚在水中不入取
也不濡味魚在水面亦不啄也以比人之居其位
而不事其事也如是則有負君之寵遇矣

薈兮蔚兮南山朝隤婉兮變兮季女其飢

比也薈蔚盛多貌隤升也婉變柔順貌季女少而
未字也朱子曰薈蔚朝隤言小人衆多而氣燄盛
也季女婉變自保不妄從人而反飢困言賢者守
道而反貧賤也

候人四章章四句

詩序曰候人刺近小人也國家之爵祿原以
待君子非以予小人一予小人則爵祿不足

以爲勸矣。且小人進則君子必退。小人之進者愈多。則君子之退者愈困。朝廷之用舍。盡與草野之好惡相反。則其國可知矣。魏之伐檀。君子有其功而無其祿。小人有其祿而無其功。曹之侯人。小人居其位而無其德。君子有其德而無其位。二國之政令相同。而其危亡亦相似。觀如此者。可以鑒矣。

鴈鳩在桑其子七兮
淑人君子其儀一兮
其儀一兮
心如結兮

比也。鴈鳩布穀也。含哺其子。朝從上而下。暮從下而上。均平如一也。淑善也。淑人君子。以善養人。之君子也。儀禮也。鴈鳩在桑。而其子有七。以比王者。宅中御宇。而衆建諸侯也。諸侯雖衆。而王者相待之。禮儀均平如一。如鴈鳩之哺其子也。夫其儀之一者。非外飾也。王者之心。視天下爲一家。視萬民爲一體。以治萬民者。惟諸侯。故其心與之固結而

不解也治本於禮禮本於仁心結斯儀一儀一而天下定矣

鳴鳩在桑其子在梅淑人君子其帶伊絲其帶伊絲其弁伊騏

比也騏青黑色也鳴鳩在桑而其子異處以比王者居京師而諸侯各居其國也梅美木也其子在梅喻國治也諸侯能治其國則天子無爲而治但見其帶絲弁騏恭已垂裳而已蓋治戒其紛更而心防其驕泰故無爲者所以養無事之福而恭已者所以清敬事之原也

鳴鳩在桑其子在棘淑人君子其儀不忒其儀不忒正是四國

比也棘惡木也忒差也其子在棘國難治也諸侯不能治其國亦不必遽有兵刑之加仍以禮治之

而已等威嚴而使不敢僭予奪當而使不敢肆天
予之儀不忒則諸侯各謹其度而四國正矣蓋儀
之一者非無別而槩旃之也豈善問惡使之同歸
於正故其儀有時不一而未嘗忒也不一而不忒
乃所以爲至一也

鵙鵙在桑其子在榛淑人君子正是國人正是國人
胡不萬年

比也榛衆木也其子在榛如常者也諸侯亦不必
有奇才但安分守職則宣天子之德以臨其民而
四國之人皆歸於正矣正是四國所謂百辟其刑
之也正是國人所謂四方其訓之也至於四國之
人皆沐天子之仁則普天之下同祝一人之壽君
子萬年保其家邦所必然也

鵙鵙四章章六句

鵙鵙思聖王也曹叔振鐸太似之少子也親

承文王后妃之訓。習觀武王成王之政。而
識治化之原。意曹之人。猶有聞而知之者。故
鳴鳩之所言。與二南無異也。心如結兮。所以
正心也。帶絲弁駢。所以修身也。正是四國。則
家齊國治。而天下平矣。心結儀一。所以明
德也。正是國人。所以新民也。胡不萬年。則新
命矣。蜉蝣揭大道之要。鳴鳩敷至治之澤。三
代以上之學。猶可想見焉。讀者不可不盡心
也。

列彼下泉。浸彼苞稂。愾我寤歎。念彼周京。

比也。列。寒也。浸。漬也。叢生曰苞。稂。莠屬。周京。周之
西京也。周自東遷之後。王命不行於諸侯。大國行
虐政。以侵害小國。如寒泉之浸苞稂。不滋其生。而
反傷之。詩人有感於此。故愾然寤歎。念周在西京
之時。未嘗有此事也。案曹共公之時。晉侯初伯執
曹伯。畀宋人。又分其田。後乃以賄免。若四國有王
豈至此哉。

列彼下泉浸彼苞蕭愾我寤歎念彼京周

比也蕭蒿也狼猶害穀蕭則野生而已而寒泉亦浸之以比當時小國有罪無罪皆不免侵削也京周西京之周也西京之周不同於東遷之周也

列彼下泉浸彼苞蕭愾我寤歎念彼京師

比也蕭筮草也利用前民勝稂蕭遠矣而亦被浸以比當時小國亦有賢君而終不得免也京大師衆也念西京之大衆足以鎮服四國也

芄芄黍苗陰雨膏之四國有王邠伯勞之

比也芄芄美盛貌邠文王之後左傳曰畢原豐邠文之昭也邠本侯爵稱伯者爲州伯也竹書載昭土六年王錫邠侯命是以邠伯繼召伯也言西周之時天下之民咸被王澤如芄芄之黍苗又有陰雨以膏之也其所以膏澤下逮者由四國諸侯皆知有王無敢自專而王又命邠伯甸宣以勞來之

是以大國之虐政不行小國咸樂其生而傷今之不然也不思召伯而思郇伯者是時郇伯入於晉矣以見晉侯居郇伯之地而不能繼郇伯之業也故曰五伯者三王之罪人也春秋之作傷天下之無王與詩人有同心矣

下泉四章章四句

詩序曰下泉思治也程子曰易剝之爲卦也諸陽消剝已盡獨有上九一爻尙存如碩大之果不見食將有復生之理上九亦變則純陰矣然陽無可盡之理變於上則生於下無間可容息也陰道極盛之時其亂可知亂極則自思治故衆心願戴於君子君子得輿也詩匪風下泉所以居變風之終也陳傅良曰亂極而不治變極而不正則天理滅矣聖人於變風之末係以思治之詩以示循環之理言亂之可治變之可正也

曹風四篇十五章六十八句

豳風一之十五

豳國名在雍州岐山之北棄爲后稷封於邠其子不窋失官而竄於戎狄之間不窋之孫公劉能復修后稷之業乃相土地之宜而立國於豳周公以成王未知稼穡之艱難述后稷公劉之化作七月之詩謂之豳風後人又取周公所作及凡爲周公而作者附焉

七月流火九月授衣一之曰簞發二之曰栗烈無衣無褐何以卒歲三之曰于耜四之曰舉趾同我婦子饁彼南畝田畯至喜

賦也火心星也六月火昏中至七月則流而西也九月霜降天始寒婦功成授衣之候也一之日一

月之日也周正以建子之月爲一月也變月言日以別於夏時也。麇發風寒栗烈氣寒褐毛布也。于往耜田器也。饁餉之也。田峻勸農之官也。此章言幽先公之教其民也。衣食者民之本。月令則上之所授也。故以時儆其民曰。七月流火涼風至矣。九月霜降宜授衣矣。子月風寒。丑月氣寒不止。授衣并宜。授褐若不預爲之謀。何以禦寒而卒歲乎。寅月往修田器。卯月舉足而耕。丁壯在田。家長同婦子而往餉之。老幼男女皆盡力於南畝。庶田峻至而喜之焉。蓋教以不飢不寒之計也。朱善曰。大寒之候在於丑月而謀之於建申之時。收穫之候在於酉月而慮之於建寅之日。豫之至也。張子曰。民生本乎衣食。此禮義之所以起。孝弟之所以生。王化之所以成也。

七月流火九月授衣春日載陽有鳴倉庚女執懿筐遵彼微行爰求柔桑春日遲遲采繁祁祁女心傷悲

殆及公子同歸

賦也載始也倉庚鳥名懿深美也微行小徑也桑
桑穉桑也繁菜名用以祭祁祁衆也公子公女也
孔穎達曰諸侯之女稱公子是也同歸者同時而
于歸也此承上章而言九月所授丁壯之布衣也
若老者衣帛則其功更豫矣當春日始和倉庚初
鳴之候女皆執筐采桑以飼蠶將爲帛以衣其父
母也又采繁以供祭教婦職也爲女子者不言而
心有傷悲知其將與公子同時而于歸則不得久
事其父母也男無不耕女無不蠶教以勤也布以
衣少帛以養老教之以儉且知孝也采桑采繁莫
不躬親教之以誠且能敬也婚姻以時貴賤同之
而又以遠其父母爲悲得性情之正也然則二南
之化所從來者遠矣

七月流火八月萑葦蠶月條桑取彼斧斯以伐遠場

猗彼女桑七月鳴鵲八月載績載元載黃我朱孔陽
爲公子裳

賦也萑葦兼葭也蠶月治蠶之月也條桑枝落之
而取其葉也斯斧屬遠揚高枝也取葉存條曰猗
女桑小桑也鵲伯勞也績緝麻也朱赤色陽明也
此又承上章而言蠶事不始於今春也當上年七
月流火之時已念及之故於八月卽以萑葦爲曲
薄至於今年蠶月乃大采桑或伐條而取其葉或
取葉而存其條曲薄具在取而用之至便也朱善
曰蠶事旣成又於鳴鵲之候而績其麻以爲布蓋
蠶之所成者可以供老疾給婚嫁奉君上而已非
績麻以爲布則無以爲少壯者之衣也朱子曰凡
蠶績之所成者皆染之或元或黃而其朱者尤爲
鮮明故用以爲公子之裳言勞於其事而不自愛
以奉其上是也蠶績分功元朱辨色老少異衣上
下殊服物采等威已開周禮之先矣

四月秀萼五月鳴蜩八月其穫十月隕穽一之日于貉取彼狐狸爲公子裘二之日其同載纘武功言私其猗猗于公

賦也不榮而實曰秀萼苦菜蜩蟬也穫收禾也實墜曰隕葉落曰穽于貉往取貉也同蜩作以狩也纘習而繼之也豕一歲曰豨三歲曰豨此章因衣食之助而及武功也天地陽極而陰生國家治久而亂伏四月純陽微陰已胎故萼感之而秀五月陽盛一陰已生故蜩應之而鳴至八月而禾黍刈收至十月而草木黃落陰盛陽衰所必然也觀天地之化而人事可知矣故兵可百年不用不可一日不備然聖人恐養兵而費民之財也習武而妨民之事也故纘武功於衣食之間夫老者衣帛即可卒歲君民之貴又必衣裘故於子月脩發之時往而取貉又取狐狸爲公子裘而取獸之時巡

何捕逐禦寇緝奸之法已習於此矣於丑月栗烈之日使丁壯同出合圍羣獲習爲戰陣又使私其獸之小者爲養老之需獻其大者以充祭祀賓客及君庖之用而愛親敬長之道又習於此矣蓋聖人於農桑之間教兵戎又於兵戎之間教忠孝故民從其化而不知國享其福而不覺也

五月斯螽動股六月莎雞振羽七月在野八月在宇九月在戶十月蟋蟀入我牀下穹窒熏鼠塞向墜戶嗟我婦子曰爲改歲入此室處

賦也斯螽蝗屬動股以股鳴也莎雞蟲名振羽以翅鳴也宇簷下也在野在宇在戶入牀下者皆蟋蟀也穹空隙也窒塞也向北牖墜塗也十月而曰改歲以建子之月爲歲首也此承上文裘褐禦寒之意而言宮室之制也萬物之出入作息與天地之陰陽寒暑相應故五月陰生而斯螽動股感其

氣也六月盛暑而莎雞振羽迎涼風也七月暑平
故可在野八月露寒故宜在宇九月霜降故宜在
戶十月雨雪故人牀下蓋物性通於天道也聖人
觀物以宜民一夫授五畝之宅其半在田其半在
邑春令民畢出如在野而動股振羽也冬令民畢
入如在宇在戶而入牀下也邇民習此久矣故當
十月陰盛之時其家長修理在邑之室彌其漏隙
去其烏鼠塞向以當北風墜戶以禦寒氣而語其
婦子曰歲將改矣可以入此室處矣蓋舊歲耕桑
事畢宜喚處而息勞新歲微陽初生當安靜以養
之也觀天之行察物之化驗民之情協張弛之宜
而順性命之理所以爲王道也

六月食鬱及薁七月烹葵及菽八月剝棗十月穫稻
爲此春酒以介眉壽七月食瓜八月斷壺九月叔苴
采荼薪樗食我農夫

賦也鬱棗屬莢萋屬葵菜名菽豆也剝擊也穫當
作穫煮也煮稻米以釀酒也冬釀春熟故曰春酒
介助也壽則眉長故曰眉壽壺瓠也叔拾苴麻子
也茶苦菜擣惡木也此又承上文而言衣裘具矣
宮室安矣則飲食之需宜有以助之且別之也果
酒嘉蔬以佐梁肉所以養老者備矣瓜壺苴茶以
佐疏食所以養農夫者裕矣植果於園藝蔬於圃
種瓜壺於場畔采苴茶於原野周於所務而人皆
習勤矣茶苦之菜惡木之薪安於其分而俗皆尚
儉矣養老者厚則人皆知孝矣自奉者薄則人皆
知弟矣勤儉孝弟教民之道莫要於此故曰禮始
諸飲食其所以爲養卽其所以爲教也

九月築場圃十月納禾稼黍稷重穋禾麻菽麥嗟我
農夫我稼旣同上入執宮功晝爾于茅宵爾索綯亟
其乘屋其始播百穀

賦也場圃同地物生之時則耕治以爲圃物成之際則堅築以爲場也穀連藁秸口禾秀實在野曰稼先種後熟曰重後種先熟曰穆同聚也宮功官府之役也于茅往取茅也索綯以索絞茅也在邑之屋冬處之故瑾其戶所以禦風也在田之屋夏居之故覆以茅所以禦雨也乘升也播種也此章終始農事而極道其憂勤之意也言自于耜舉趾以來黍稷重穋禾麻菽麥無不播也至九月以後而納之於場同之於倉亦可以休矣而不能也私事畢而公事興矣又當上八都邑而執宮功矣宮功既畢似可以少休矣而又不能也今年之事甫畢而明年之事又興矣於是晝往取茅夜以索綯之升在野之屋而覆蓋之以明春歲始當出而播百穀也今年之蠶事預計於上年之秋明年之農事預計於今年之冬不惟終年無休暇之日抑且終身無放逸之心念及此而所以役民之力用民之財者宜何如珍惜之也

三之曰鑿冰。沖沖三之曰。納于凌陰。四之曰。其蚤獻羔祭韭。九月肅霜。十月淅場。朋酒斯饗。曰殺羔羊。躋彼公堂。稱彼兕觥。萬壽無疆。

賦也。沖沖鑿冰之聲。凌陰藏冰之室。蚤初旬也。韭菜名。四月上旬以羔韭祭司寒之神。而啟冰也。肅嚴也。淅埽也。朋衆也。饗鄉飲也。躋升稱舉。兕觥大爵也。此因飲食而極言功化之盛。以見王道之成也。天地之化。陰陽而已。四月莠葍陽極。陰生。十月改歲。陰極。陽生。陰陽微盛。寒暑往來。聖人爲裘以禦寒。藏冰以禦暑。陰盛而藏之。陽極而出之。而燮理之道行於日用矣。日在北陸而祭司寒。西陸朝覲而獻羔韭神嗜飲食薦其時物而祭祀之。禮明於上下矣。霜肅氣寒。宜有以和之。場淅勞息。宜有以慰之。聚衆飲酒。教以饗禮。使尙齒而貴爵。而孝弟之道達於里黨矣。饗禮既畢。一飲食而不忘君。

也。於是殺羔羊以躋堂酌春酒於兕觥而忠愛之
忱通於上下矣。羊酒之物有限。忠愛之心無窮。又
相率而祝之。願君壽至於萬年。蓋天以生物爲心。
君以仁民爲職。人君能仁愛其民。則民皆祝君之
壽。欲長爲其所愛也。天必錫君以壽。使長仁其所
生也。書曰。欲王以小民受天永命。此之謂也。

七月八章章十一句

詩序曰。七月。陳王業也。周自后稷以農事開
基。公劉克篤前烈。王業之本。實始於此。周公
以成王未知稼穡之艱難。故陳后稷公劉風
化之所由。使矇瞍朝夕諷誦以教之。其詩大
義以衣食爲本。農桑爲經。而婚姻祭祀田獵
宮室之類。錯緯於其際。至於衣則尊卑異製。
食則老少異糧。孝親敬長之道。無處不隱寓
焉。孟子之言王道也。期於老者衣帛食肉。以
爲此。卽孝弟之實。庠序之教。不過取其義而
申明之耳。是故養莫大於農桑。教不外於孝。

弟先聖。後賢其揆一也。又於其中極道農夫紅女之勤勞。惡衣菲食。而常有飢寒之患。乃已無衣。而元黃爲公子裳。狐狸爲公子裘。已無食。而取大豕以獻公。殺羔羊以祝壽。忠敬之心。無所不至。使誦此詩者。知物力之艱難。而深撙節之思。感民心之忠敬。而生愛養之意。則所以謀其衣食。教之孝弟。經營其婚姻。祭祀田獵宮室之類者。自無不精且詳。所謂本天德以行王道也。仁厚之氣。積爲嘉祥。斯百姓躋於仁壽。君公至於萬年。而王業成矣。孔子曰。於七月知周公所以造周也。

鴟鴞鴟鴞既取我子無毀我室恩斯勤斯鬻子之閔

其斯

比也。鴟鴞惡鳥攫鳥子而食者也。室鳥自名其巢也。恩愛勤勞鬻養閔憂也。武王克商使弟管叔鮮蔡叔度暨霍叔監紂子武庚之國。成王嗣立周公

相之三叔以殷叛流言於國曰公將不利於孺子
周公於是東征恐成王之疑已也故賦此詩託爲
鳥言曰鴟鴞鴟鴞爾既取我之子矣無更毀我之
室以比武庚既誘三叔不可更亂王室也又言恩
勤鬻子者蓋追念文考文母鞠子之哀而痛三叔
之見取且以傷天倫有變而已無道以善全不怒
而深悲之聖人之用心也

迨天之未陰雨徹彼桑土綢繆牖戶今女下民或敢侮予

比也迨及徹取也上與杜通桑根也綢繆纏綿之
意牖巢之通氣處戶其出入處也下民巢下之人
也言室之毀多由於陰雨設能於未雨之前取桑
根以固牖戶則人孰得而毀之以比武庚叛亂將
毀王室望成王於未毀之先君臣同心以圖國政
則內疑既釋外患自消三監雖叛無能爲也

予手拮据予所捋荼予所蕃租予口卒瘁曰予未有

室家

比也拮据以瓜捋草也捋取荼萑苕也蕃積租粟卒盡瘁病也蘇轍曰以手捋荼則至於拮据以口蕃租則至於卒瘁予所以勤勞病瘁而不辭者以予未有室家故也輔廣曰當時流言必以周公平日勤勞告爲已謀非爲三室故公言此以釋成王之疑非自誇其功也

予羽譙譙予尾脩脩予室翹翹風雨所漂搖予維音
嘒嘒

比也譙譙殺也脩脩敝也翹翹危也嘒嘒急也朱子曰羽殺尾敝以成其室而未定也風雨又從而漂搖之則其哀鳴安得而不急哉以比已旣勞瘁王室又未安而多難乘之則其作詩以喻王亦不

得不汲汲也

鳥鳴四章章五句

詩序曰鴝鳴周公救亂也成王冲齡踐祚未
知周公之心三監皆叛流言四起王室之危
如巢將覆矣夫肉必先腐也而後蟲生之人
必先疑也而後讒人之羣叔流言亦乘成王
之危疑而起設王之疑不釋則周之為周未
可知也故鴝鳴之詩憂外侮之意少而弭內
患之意多蓋所以啟牖王心救亂之所由生
也劉瑾曰公以貴戚大臣獨柄國政宗社安
危係於一身成王既惑於流言故自言其功
而不為誇謂王室為予室而不為嫌其曉曉
之音皆出於忠愛之誠惟欲悟王心而安王
室並非為一己之禍福計也

我徂東山惴惴不歸我來即東零雨其濛我東曰歸

我心西悲制彼裳衣勿士行校蝓蝓者蠹在桑野
敦彼獨宿亦在車下

賦也東山所征之地也惓惓久也零落也蒙雨貌
裳衣平居之服也土事也故如箸軍士所啣以止
語者蝓桑蟲也烝發語詞敦獨處不移之貌周公
東征三年而歸作此詩以勞歸士故代之言曰我
徂東出久而不歸既已勞矣幸而得歸中途遇雨
則又苦也東歸宜喜而心西悲者軍務未畢不暇
內顧既得生還則思家念切也衣履敝垢爰製歸
裝新著冠裳不事戰陣矣蓋行間之苦身親嘗之
故願勿復爲此也旋車言邁經歷田間見蝓之在
桑野悲人之在車下觀物傷懷也古者用車戰行
載衣糧止爲營衛故從軍之士以車爲家玩獨宿
車下之詞而生還之喜離家之悲三年從軍之況
瘁長途露處之蕭條皆如繪矣

我徂東山。惓惓不歸。我來自東。零雨其濛。果臝之實。亦施于宇。伊威在室。蕭蕭在戶。町疃鹿場。熠燿宵行。亦可畏也。伊可懷也。

賦也。章首四句。備述往來之苦。故重言之。以見感念之深也。果臝。枯樓也。施。蔓延也。果臝。野生。今施于宇者。室久無人。閑寂如野。故蔓草旌生也。伊威。鼠婦也。室不靖。則有之。蠨蛸。小蜘蛛也。戶無人出。入則結網。當之町疃。舍旁隙地也。無人藝種。故鹿以爲場。熠燿。螢火也。院落無人。則終夜羣飛也。田間茅屋。荒蕪幽陰。亦可畏矣。乃不畏而懷之者。生長於斯。雖極敝陋。常榮夢想也。此皆其雨中車下夜闌不寐。懸想之境。蓋軍士在外。神遊於其家。而有如申觀聖人。在上神通於其心。而有如身受非周公其孰能之。

我徂東山。惓惓不歸。我來自東。零雨其濛。鸛鳴于垤。
婦歎于室。灑掃穹窒。我征聿至。有敦瓜苦。烝在栗薪。
自我不見。于今三年。

賦也。鸛水鳥。垤蟻封也。穹窒見七月天將陰雨穴
蟲先知故蟻出垤而鸛就食之遂鳴於其上也行
人遇雨其苦尤甚故鸛鳴于垤則婦歎于室憂其
夫之未至而遇雨也灑掃庭內穹窒牆垣冀其夫
之將至而接待也冀其至憂其不至而我行忽至
則其喜可知也行人初至觀物傷懷因見苦瓜繫
於栗薪之上而曰自我之不見此於今已三年矣
天苦瓜栗薪皆微物也尚且感歎如此則父母妻
子之團聚喜其見而悲其久不見者又當何如也

我徂東山。惓惓不歸。我來自東。零雨其濛。倉庚于飛。

詩義

卷之九

四

燿燿其羽之子于歸皇駁其馬親結其縢九十其儀其新孔嘉其舊如之何

賦也倉庚飛婚姻時也燿燿鮮明也人心喜則物有光輝也黃白曰皇駁白曰駁誇其馬也悅其人則馬亦可愛也縢婦人之悅也母戒女而爲之施衿結帨也筐篚之儀或九或十言其多也此皆新婚之禮也男女及時各遂其願其新婚者固甚美矣其舊有室家者遠歸而聚首喜慶又當何如也離別之憂上亦憂其憂懼會之樂上亦樂其樂所謂惟君子爲能通天下之志也

東山四章章十二句

東山勞歸士也詩序曰一章言其完也二章言其思也三章言室家之望汝也四章樂男女之得及時也君子之於人序其情而閔其勞所以說也說以使民民忘其勞其惟東山

乎。朱子曰。完謂全師而歸。無鋒鏑之苦。思謂夫至而思。有悽愴之懷。至於室家望汝男女及時。亦皆其心之所願。而不敢言者。上之人乃先其未發。而歌詠以勞苦之。則其懽忻感激之情。爲何如哉。蓋古之勞詩。皆如此。其上下之際。情志交孚。雖家人父子之相語。無以過之。此其所以維持鞏固。數十百年而無一旦土崩之患也。

既破我斧。又缺我斨。周公東征。四國是皇。哀我人斯。亦孔之將。

賦也。隋鑒曰。斧方鑒曰斨。樵蘇之用也。四國四方之國也。皇匡也將大也。周公東征三年而歸。軍士諒其心而不怨也。故作此詩。言斧破斨缺。勞亦甚矣。然周公非爲已也。蓋將使四方皆歸於正。則其哀我人也亦大矣。朱善曰。戮一人而天下服。則向之不正者。復反於正矣。正四國。卽所以哀我人也。

蘇轍曰使周公潔身而退以避二叔之難則其亂將及於四方如是而周公亦清矣然未免於小也惟不嫌於自救哀斯人之不治誅管蔡以正四方而後可以爲大也

既破我斧又缺我錡周公東征四國是吡哀我人斯亦孔之嘉

賦也錡金屬吡化也皇者正其事吡則化其心也嘉有禮也以禮化之也

既破我斧又缺我鉶周公東征四國是適哀我人斯亦孔之休

賦也鉶木屬嚴粲曰不言弓矢戈矛而專言斧鉶者東征之役不尙殺戮若除道樵蘇則斧鉶之用爲多也適聚而固之也既已化之又固結之使不變也休息也化而固之則兵可不用矣故曰休也

破斧三章章六句

詩序曰破斧美周公也朱子曰管蔡流言以謗周公而公以六軍之衆往而征之使其心一有出於自私而不在於天下則撫之雖勤勞之雖至而從役之士豈能不怨也哉今觀此詩固足以見周公之心大公至正天下信其無一毫自愛之私抑又以見當是之時雖披堅執銳之人亦皆能以周公之心爲心而不自爲一身一家之計蓋亦莫非聖人之徒也學者於此熟玩而有得焉則其心正大而天地之情真可見矣

伐柯如何匪斧不克取妻如何匪媒不得

比也柯斧柄也克能也媒通二姓之言者也管蔡啟商以間王室欲定管蔡之亂此如伐柯裁不材之木也欲和庶殷之心此如娶妻合二姓之好也伐柯則匪斧不克比戡亂必用兵也取妻則匪媒

不得比合好必用禮也

伐柯伐柯其則不遠我覲之子邊豆有踐

比也則法也我東人自謂也之子謂周公也邊竹
器豆木器踐行列整齊之貌言伐柯者必執柯以
伐之彼柯長短之則在此柯耳是合伐與則爲一
物也周公之東本以兵來而舉動一準於禮故東
人之覲周公者不見其于戈之維揚而但見其邊
豆之有踐是合兵與禮爲一事也蓋周公雖以兵
振其威而實以禮行其教故東人之畏其威者固
衆而服其教者尤深是陳師鞠旅之中卽有過化
存神之道也

伐柯二章章四句

詩序曰伐柯美周公也不尚兵而以禮爲則
也衛靈公問陳於孔子孔子對曰俎豆之事
則嘗聞之矣軍旅之事未之學也夫非孔子
之果未學也以爲安上治民莫善於禮以禮

爲國則軍旅可不用也是故以禮止亂可以
去兵不得已而用兵兵亦有禮果能以禮行
兵則德威惟畏不戰而屈人矣孔子學俎豆
於軍旅之先以禮止兵也周公踐籩豆於軍
旅之際以禮行兵也故曰先聖後聖其揆一
也

九戩之魚鱗鮐我覲之子褒衣繡裳

興也九戩九囊之網也鱗鮐皆魚之美者褒衣土
公之服繪山龍雉火宗彝於衣繡藻采黼黻於裳
也言布九戩之網而能獲鱗鮐是漁人之幸也因
三監之叛而得覲周公是東人之幸也極言衣裳
之美者德與服稱愛其人並愛其服也

鴻飛遵渚公歸無所於女信處

興也遵循也渚小洲也鴻依水草故以遵渚爲得
所也女東人相謂也再宿曰信成王以禮迎周公
東人知其將歸也故相謂曰鴻飛則遵渚矣公歸

豈無所乎今特於女信處而已

鴻飛遵陸公歸不復於女信宿

興也高平曰陸鴻離渚而遵陸將北向也季木曰雁北向則經時不復矣言周公歸將畱相王室而不復來東也

是以有衰衣兮無以我公歸兮無使我心悲兮

賦也朱子曰承上二章言周公信處信宿於此是以東方有此衰衣之人願其且畱於此無遽迎公以歸歸則將不復來而使我心悲也

九戩四章一章四句三章章三句

九戩畱周公也夫東方非公久居之處也東人非不知之而又心悲者則其情有所不能已也聖人之於人也德化有以動其性禮教有以服其心先得其所同然故人見而莫不悅之亦不能言其所以然也後世循吏所居

民愛所去民思亦何以異此

狼跋其胡載其尾公孫碩膚赤舄几几

比也跋躡也胡領下肉載則躡踰也孫讓碩大膚功也赤舄朱履也几几安重之貌狼性奸貪前高其胡以張望則後挾其尾以助力以比管蔡欲窺伺神器乃挾武庚以爲助也公因此破謗讓其大功避居東方亦危疑之至矣而赤舄仍几几然不改其安重之度也以赤舄爲言者人心有感足容易動懼則喪履喜則折屐故觀赤舄之几几而寵辱不驚可知也

狼戾其尾載跋其胡公孫碩膚德音不瑕

比也德音令聞瑕疵也言狼既戾尾以得方則益跋胡以進取以比管蔡既得商奄之助則愈起跋扈之心乃流言四起而公之令聞卒未嘗少有所損蓋盛德之至而天下皆信之也程子曰周公之處已也夔夔然存恭畏之心其存誠也蕩蕩然無

言事
卷之六
顧慮之意所以不失其聖而德音不瑕也

狼跋二章章四句

詩序曰狼跋美周公也處變而不失其常也
范處義曰凡有欲之類莫不可制惟聖人無
欲故天地萬物不能易也富貴貧賤死生如
寒暑晝夜相代乎前吾豈有二其心乎哉亦
順受之而已周公遠則四國流言近則成王
禾知而赤舄几几不改其度非元聖其孰能
若是乎

豳風七篇二十七章二百三句

程元問於文中子曰敢問豳風何風也曰變
風也曰周公之際亦有變乎曰成王疑周公
則風遂變矣非周公至誠其孰能正之哉故
終之以豳風言變之可正也變而克正危而
克扶始終不失其本其惟周公乎係之豳遠
矣哉

御纂詩義折中卷之十

小雅二

詩序曰雅者正也言王政之所由廢興也政有大小故有小雅焉有大雅焉

鹿鳴之什二之一

朱子曰雅頌無諸國別故以十篇爲一卷而謂之什猶軍法以十人爲什也

呦呦鹿鳴食野之苹我有嘉賓鼓瑟吹笙吹笙鼓簧承筐是將人之好我示我周行

興也呦呦和聲也苹蘋蕭也鹿呼羣而共食故以興燕飲也嘉賓或本國之臣或諸侯之使也瑟笙所用之樂也凡燕饗之樂皆鼓瑟而工歌吹笙以間之也承奉也筐所以盛幣者將行也鄭康成曰

飲有酬幣食有侑幣也周行大道也朱子曰君臣之分以嚴爲主朝廷之禮以敬爲主然一於嚴敬則情或不通而無以盡其忠告之益故先王制爲燕饗之禮以通上下之情其樂歌以鹿鳴起興而言其禮意之厚如此庶乎人之好我而示以大道也孔穎達曰古者於族也語禮成樂備乃可以言語先王之道也

呦呦鹿鳴食野之蒿我有嘉賓德音孔昭視民不忼君子是則是倣我有旨酒嘉賓式燕以敖

賦也蒿政也德音善言也昭明也視與示同忼浮薄也敖禮容也此承上章而言嘉賓之示我周行其德育甚爲詳明又以其盛德之儀容使人觀感而化其浮薄有官君子皆當則而倣之以爲民之矜式則不待言語之間而所以示我者更深矣故旨酒式燕與之從容遊敖蓋欲觀其周旋之中禮而則倣之也范祖禹曰式燕以敖言其禮儀之從

容也莊而不至於於和而不至於流德之純

呦呦鹿鳴食野之苹我有嘉賓鼓瑟鼓琴鼓瑟鼓琴
和樂且湛我有旨酒以燕樂嘉賓之心

興也芴草名琴瑟堂上之樂也湛久也燕安也此
通承上文周行示以言也則微示以行也夫嘉賓
之言行皆出於其心設心有不樂則行有時隱而
言有時倦矣故琴瑟調和旨酒無算不止養其體
娛其外而已皆所以安樂嘉賓之心而欲其教示
之無已也范祖禹曰食之以禮樂之以樂將之以
實示之以誠此所以得其心也夫賢者豈以飲食
幣帛爲悅哉

鹿鳴三章章八句

詩序曰鹿鳴燕羣臣嘉賓也古之聖賢無一
事而不深其學問無一時而不修其德行無
一人而不敦其性情鹿鳴之詩樂奏幣將人

見其和樂而已不知所望於嘉賓者在於示
我周行乞善言所以廣學問也旨酒式燕人
見其款洽而已不知所資於嘉賓者在於視
我則倣觀楷模所以進德行也琴瑟和湛人
見其殷勤而已不知所厚於嘉賓者在於燕
樂其心固心志所以厚性情也此可以知禮
樂之本矣朱子曰燕禮云歌鹿鳴四牡皇皇
者華卽謂此也鄉飲酒用樂亦然而學記又
言大學始教宵雅肄三則又爲上下通用之
樂矣豈本爲燕羣臣嘉賓而作後乃推而用
之鄉人也與然於朝曰君臣焉於燕曰賓主
焉先王以禮使臣之厚於此見矣

四牡騤騤周道倭遲豈不懷歸王事靡盬我心傷悲

賦也騤騤行不止也周道大路倭遲迂遠也盬壞
也靡盬不可壞也言使臣駕此四牡行而不止道
路迂遠亦云勞矣豈不思歸而偃息乎特以國家
之事不可廢壞是以中心感憤雖勞而不辭也朱

公遷曰傷悲於心王事之故是也蓋忠臣於王事實有不容已之至情非徒迫於勢而勉強塞責也

四牡騤騤嘽嘽駱馬豈不懷歸王事靡盬不遑啟處

賦也嘽嘽喘息之貌白馬黑鬣曰駱遑暇啟跪處坐也項安世曰古者席地跪即起居則坐是也因

其心有傷悲故其身不遑處勞之至也

翩翾者雛載飛載下集于苞栩王事靡盬不遑將父

興也蘇轍曰雛祝鳩孝鳥也春秋傳曰祝鳩氏司徒也教孝者也是以孝子不獲養而稱焉雛之飛也則亦下而集于栩不似使者之久行不返不獲

養父母也

翩翾者雛載飛載止集于苞杞王事靡盬不遑將母

興也杞枸杞也先下而後止集之勢也先父而後母言之序也

駕彼四駱載駮駮駮豈不懷歸是用作歌將母來諗

賦也駮馬行疾也駮駮駮貌諗告也此通承上文言駕此駮駮之駮馬駮彼倭遲之周道豈不思歸而將父母乎而不敢言也人君知其不敢言也用是於燕饗之時作為詩歌以道其意如使臣以將母之情來告者臣不自言而君代言之上下之間可謂各盡其道矣君子是以知樂歌之不可已也郊廟之歌所以達神人之意也燕饗之歌所以宣上下之情也是故禮行而分定樂作而志通

四牡五章章五句

詩序曰四牡勞使臣之來也春秋傳曰所以章使臣之勤也夫使臣奉命馳驅不敢顧父母者事上之義也所以盡忠也而人君念其勤勞憂其不能將父母者恤下之恩也所以教孝也勞於王事雖不顧養而勇戰敬官不辱其親則盡忠乃所以全孝也將母來諗似

非急公而既達其情遂忘其苦則教孝乃所以作忠也故四牡之義行則君臣之道兩得之矣

皇皇者華于彼原隰駢駢征夫每懷靡及

興也皇皇猶煌煌也高平曰原下濕曰隰駢駢疾行之貌征夫行人也此遣使臣之詩也言使臣奉命行於四方見高原下隰皆有可采之華因思大邦小國皆有可采之事是以汲汲道途常懷不及之慮蓋惟恐諮訪有所未周也程子曰天子遣使四方以觀省風俗采察善惡訪問疾苦宣道化於天下使人惟恐不能宣上意而達下情是以每懷靡及也

我馬維駒六轡如濡載馳驅周爰咨諏

賦也如濡柔密也周徧爰於咨問也諏采訪也采訪貴於柔密故以濡興諏也

我馬維其六轡如絲載馳載驅周爰咨謀

賦也絲條理也謀籌畫也籌畫貴有條理故以絲與謀也

我馬維駉六轡沃若載馳載驅周爰咨度

賦也沃若明洽也度裁酌也裁酌貴於明洽故以沃與度也

我馬維駒六轡既均載馳載驅周爰咨詢

賦也均齊一也詢僉和也書曰弗詢之謀勿庸是也僉和歸於齊一故以均與詢也

皇皇者華五章章四句

詩序曰皇華君遣使臣也春秋傳穆叔如晉晉侯享之金奏肆夏之三三不拜工歌文王之

三不拜歌鹿鳴之三三拜韓獻子使行人問之對曰三夏天子所以享元侯也使臣不敢

與聞。文王兩君相見之樂也。臣不敢及。鹿鳴君所以嘉寡君也。敢不拜嘉。四牡君所以勞使臣也。敢不重拜。皇皇者華。君教使臣曰。必咨於周。臣聞之。訪問於善為咨。咨親為詢。咨禮為度。咨事為諏。咨難為謀。臣獲五善。敢不重拜。夫咨訪固使臣之大務。然必問於善人。乃可以徵信。否則所訪不實。為害滋大。故曰。訪問於善為咨也。周禮小行人之職。萬民之利害為一書。有咨事之義焉。禮俗政事教治刑禁之逆順為一書。有咨禮之義焉。悖逆暴亂作慝犯令者為一書。札喪凶荒厄貧為一書。有咨難之義焉。康樂和親安平為一書。有咨親之義焉。然則叔孫之釋此詩。其必有所傳矣。

常棣之華。鄂不韡韡。凡今之人。莫如兄弟。

興也。常棣。栒也。鄂。與萼同。不。與桴通。萼。足也。常棣之華。萼附攢生。相比發榮。故韡韡。然人與兄弟相

親相助家道乃與故遍閱世人未有如兄弟者也

死喪之威兄弟孔懷原隰哀矣兄弟求矣

賦也威畏也哀與衰同長也言兄弟勝於他人平時或不知也一值變故則知之矣死喪可畏人之所惡惟兄弟懷之或卒於外原隰路長惟兄弟求之夫其懷之而求之者蓋天性之親實有所不容已焉此非他人之所得與也

春令在原兄弟急難每有良朋況也永歎

興也春令水鳥况與况同言春令之性飛則鳴行則搖失水在原鳴搖更甚兄弟之急難者似之蓋天性之親一聞有難則必急救號呼奔走無不爲也當此之時雖有良朋心相關切不過悅然長歎而已不能力救也蓋親疎厚薄理之自然良朋亦有兄弟不能薄所厚而厚所薄也

兄弟闕于牆外禦其務每有良朋烝也無戎

賦也鬩鬩也務當作侮烝衆戎爭也言兄弟卽不幸而反目鬩於牆內然苟有外侮則同出禦之每有良朋不過周旋解釋勸其無爭而已不能出身爲禦也則是不令之兄弟猶勝於相好之他人也

喪亂旣平旣安且寧雖有兄弟不如友生

賦也此承上文言喪亂之時雖有良朋不如兄弟幸以急難禦侮之故喪亂平矣不止身安亦且家寧豈可視兄弟反不如友生乎歐陽修曰此責之

儋爾籩豆飲酒之飫兄弟旣具和樂且孺

賦也儋陳飫饜具俱也孺孩提之狀也此承上章言兄弟不如友生者不過謂飲食燕會非朋友無可與娛耳試思籩豆旣陳飲食饜飫之時使兄弟與朋友俱在則天倫之愛旣極和樂且不事文貌有孺子嬉戲之歡不更勝於朋友乎

妻子好合如鼓瑟琴兄弟既翕和樂且湛

賦也翕合也湛久也此承上章言間兄弟之愛者外有朋友內則妻子世之親妻子而疎兄弟者多矣試思妻子之相好如瑟琴之調和信可樂也設兄弟鬩牆其樂豈能久乎故必兄弟與妻子翕合而後可久樂也

宜爾室家樂爾妻帑是究是圖亶其然乎

賦也帑與孥同究察圖思亶信也此承上章言兄弟翕而後樂可久則是宜爾室家者兄弟也樂爾妻帑者兄弟也總而言之急難禦侮是共憂患者莫如兄弟也且孺且湛是其安樂者亦莫如兄弟也試詳察而深思之豈不信然乎哉呂祖謙曰告人以兄弟之當親未有不以爲然者也苟非是究是圖實從事於此未有知其誠然者也不誠知其然則所知者特其名而已矣凡學蓋莫不然

常棣八章章四句

詩序曰常棣燕兄弟也朱子曰此詩首章言至親莫如兄弟次章以意外不測之事言之以明兄弟之情其切如此三章但言急難則淺於死喪矣四章又以其情義之甚薄而猶有所不能已者言之其序若曰不待死喪但有患難便當相助又不幸而至於或有小忿猶必共禦外侮其所以言之者雖若遞輕而所以著夫兄弟之誼者益深且切矣至於五章言安甯之後乃謂兄弟不如友生則是至親反爲路人而人道或幾乎息矣故下雨章乃復極言兄弟之恩異形同氣死生苦樂無適而不相須之意卒章又申告之使反覆窮極而驗其信然可謂委曲漸次說盡人情矣讀者宜深味之

伐木丁丁鳥鳴嚶嚶出自幽谷遷于喬木嚶其鳴矣

言義於中
求其友聲相彼鳥矣猶求友聲矧伊人矣不求友生
神之聽之終和且平

興也丁丁衆人伐木之聲嚶嚶兩鳥之和聲也幽
深遷升喬高相視矧況也神之敬之也聽之從之
也伐木者斲削以成材交友者切剗以成德故三
章皆以伐木起興也又言鳥出深谷升於高木而
嚶嚶其鳴者鳥以同類爲朋欲其同聲相應故以
已之聲求友之聲也夫鳥也而猶求友之聲豈人
也而不求友之言乎果能虛心求友敬其人如神
明聽其言而從之則友以直言相規我不忤而順
受彼此之心皆歸於和且日聞正言日生嚴憚則
意氣不覺自平旣和且平則心日卽於謙卑德日
進於高明如鳥之出幽谷而遷喬木也爾雅曰丁
丁嚶嚶相切直也得此詩之意矣

伐木許許醴酒有藇既有肥羜以速諸父寧適不來

微我弗顧於粢灋埽陳饋八簋既有肥牡以速諸舅
寧適不來微我有咎

興也朱子曰許許衆人共力之聲醴酒沛之而去
其糟也蕝美貌豸小羊也速召也諸父朋友之同
姓而尊者也微無顧念也於歎詞粢鮮明貌八簋
盛食也諸舅朋友之異姓而尊者也先諸父而後
諸舅親疎之序也言具酒食以樂朋友如此寧使
彼適有故而不來無使我恩意之不至也孔子曰
所求乎朋友先施之未能也此可謂能先施矣

伐木于阪醴酒有衍籩豆有踐兄弟無遠民之失德
乾餱以愆有酒湑我無酒酤我坎坎鼓我蹲蹲舞我
迨我暇矣飲此湑矣

興也衍多也踐陳列也兄弟同異姓之等輩者無

遠皆在也先諸舅而後兄弟者尊卑之等也乾餼
食之薄者愆過也朱子曰人所以失朋友之義者
非必有大故或以乾餼之薄不以分人遂至於有
愆是也湑亦醢也酤買也坎坎鼓聲蹲蹲舞貌燕
禮一獻既畢皆坐而飲酒其爵無算其樂無算是
也迨及也迨我暇而飲湑者當其未暇不敢以宴
樂廢事及其既暇不敢以乾餼失德故迨暇以會
友因友以求言欲其神聽和平非徒以飲酒爲樂
也

伐木三章章十二句

伐木燕朋友也天下之道五倫而已下之人
非此無以爲學上之人非此無以爲治君臣
與父子並重故不以私恩緩公義亦不以公
義廢私恩此鹿鳴四牡皇華之義也兄弟與
朋友相衡故不可忘天合之恩而等兄弟於
朋友又欲其盡人合之義而待朋友如兄弟
此常棣伐木之義也風首夫婦正其本也小

雅之始而君臣父子兄弟朋友之義著焉五
倫之道備矣人倫之至可以通神明而光四
海所由繼以天保也子思之言道也造端乎
夫婦繼之以子臣弟友而遂及於鬼神其詩
教也夫

天保定爾亦孔之固俾爾單厚何福不除俾爾多益
以莫不庶

賦也保護定安也爾謂君也謂君爲爾者稱天以
爲言也固堅也單盡也除階也言其升也易曰貞
吉升階是也庶衆也此人臣頌祝其君也言人之
福受之於君君之福受之於天今天之福爾則甚
固矣所謂固者內植其基俾爾有單厚之德其福
遞升也外多其助俾爾受親賢之益其福日衆也

天保定爾俾爾戩穀罄無不宜受天百祿降爾遐福

維曰不足

賦也戩盡穀善也言德性單厚故所行無不盡善有以宜民人而受天祿天遂降以遐福而維日不足此所謂何福不除也

天保定爾以莫不興如山如阜如岡如陵如川之方至以莫不增

賦也興盛也高平曰陸大陸曰阜大阜曰陵岡者陵之有石者也言福之積而高也川之方至言初來也初來雖小續流則大言福之繼而長也此所謂以莫不增也

吉蠲爲饗是用孝享禴祠烝嘗于公先王君曰卜爾萬壽無疆

賦也朱子曰吉言諷日擇土之善蠲言齋戒滌濯

之潔俸食也享獻也宗廟之祭春日祠夏曰禴秋
曰嘗冬曰烝公先公后稷以下也先王太王以下
也君通指先公先王也卜予也君曰卜爾尸傳神
意以綴主人之詞

神之弔矣詒爾多福民之質矣日用飲食羣黎百姓
徧爲爾德

賦也弔至詒遺質實也黎黑也髮黑故曰黎此承
上文而推原之言多福之來非無故也天視天聽
在神與民爾能吉蠲孝享忠信於鬼神故祖考來
格而遺爾多福矣至民則質樸無文日用飲食而
已似不能爲爾助者然安耕鑿之常見爾愛養之
至畱風氣之古見爾治化之醇其不爲爾德正所
以爲爾德也至於羣黎百姓徧爲爾德則神佑而
天降之福矣蓋神者天之耳目民者天之心也養
民而致敬於神此自求多福之本也

言事抄目 卷之十
如月之恒如日之升如南山之壽不騫不崩如松柏
之茂無不爾或承

賦也恒弦升出也日月往來言久照也騫侈也山
亘古而常在不移不虧也松柏之葉新舊相承言
長生也此承上文言神人皆和故自天申之也前
言福之多此言福之久多而且久所謂亦孔之固
也

天保六章章六句

詩序曰天保下報上也九如之祝工於頌禱
而非諛詞也觀鹿鳴以下五詩君之所以待
其臣者誠心藹惻非所謂單厚乎親賢之佐
內外交助可不謂多益乎又推本於神人之
協應則所以惠於宗公而誠和萬民者其必
有道矣頌祝之中而不忘規箴此古人之所
以愛其君也

采薇采薇薇亦作止曰歸曰歸歲亦莫止靡室靡家玃狁之故不遑啟居玃狁之故

與也薇菜名作初出土也莫晚靡無玃狁北狄也此因玃狁作難而遣戍也言啟行之時薇始出土計其歸期遠在歲暮所以舍其室家而不遑啟居者皆因玃狁之故也程子曰毒民不由其上則人懷敵愾之心矣又曰古者戍役兩期而還今年春暮行明年夏代者至復畱備秋至十一月而歸每年秋雨番戍者皆在疆圉也

采薇薇亦柔止曰歸曰歸心亦憂止憂心烈烈載饑載渴我戍未定靡使歸聘

與也柔始生而弱也烈烈憂貌聘問也言戍人在途薇亦柔矣念歸期之遠而憂勞之甚然戍事未定則當一意前往無使歸問室家蓋不欲以家事

言事
累其心也

采薇采薇薇亦剛止曰歸曰歸歲亦陽止王事靡盬
不遑啟處憂心孔疚我行不來

與也剛既成而剛也陽十月也嫌於無陽故曰陽
也言戍人至邊薇亦剛矣既至戍所見疆場之多
難是以不遑寧處而憂心成疾自謂此行不復望
歸矣蓋在途止憂身至戍則憂國以王事爲重故
竭力致死無還心也

彼爾維何維常之華彼路斯何君子之車戎車既駕
四牡業業豈敢定居一月三捷

與也爾華盛貌路戎車也君子謂將帥也業業壯
也捷勝也此敵來而交戰也以華與路非止美其
車也戎事倥偬而熟視常華見軍心之暇也三軍
環列而屬目路車見軍容之整也戎車既駕而四

壯皆壯見軍力之齊也以此節制之師加之以忠
勇奮不顧身而無敢安處則可以一月之間三戰
而三捷矣

駕彼四牡四牡騤騤君子所依小人所腓四牡翼翼
象弭魚服豈不曰戒嚴狃孔棘

賦也騤騤強也依憑也腓避也古之用車也戰則
資衝突行則載衣糧止則爲營衛是將士之所憑
依而兵卒之所倚以避患也翼翼行列整齊之貌
象弭以象骨飾弓弣也魚服以魚皮爲矢服也戒
警棘梗也此言旣勝而戒備也言雖一月三捷不
可驟勝而驕止則聯其車馬嚴其營衛行則整其
行列精其器械蓋言戒也其所以無日不戒者以
嚴抗勁敵叢集爲梗止而不戒則恐其攻我無備
行而不戒則恐其擊我情歸也

昔我往矣楊柳依依今我來思雨雪霏霏行道遲遲

載渴載饑我心傷悲莫知我哀

賦也此承上文言既已三捷又能日戒乃可以全師而歸矣因憶往時楊柳乃薇作薇柔之日來時雨雪正歲暮歲陽之侯往時憂心載饑載渴來行舊路饑渴猶前戰守之勞道途之困我心傷悲亦云哀矣而非人之所能知也天下之人既已哀矣而又莫知其哀則其哀更甚矣乃上之人知其哀矣而又知其悲莫知則知更深矣首章論以不得已之意末章體以不忍人之心於此見先王之仁也

采薇六章章八句

詩序曰采薇遣戍役也夫戍役之苦莫甚於啟行有離別之悲在途有饑渴之困至戍有戰守之勞而上之人皆預知之矣戍役之功莫大於未戰有忠奮之心將戰有整暇之度既戰有警戒之思而上之人皆預言之矣於

體恤之中。而詳爲訓誡。此上世之民。所以有勇而且知方也。

我出我車于彼牧矣。自天子所謂我來矣。召彼僕夫。謂之載矣。王事多難。維其棘矣。

賦也。牧。郊外也。棘。急也。此勞將帥而追敘其功也。言車出在牧。而將尙未來。入受命也。自天子所而但謂我來不言所命。其謀秘也。召僕夫而謂之載。卽曰啟行也。又言王事之多。而且急者。督軍士使速行也。謀秘而行。速用兵之要道也。

我出我車于彼郊矣。設此旆矣。建彼旌矣。彼旃旐斯胡不旆。旆憂心悄悄。僕夫況瘁。

賦也。郊在牧內。蓋前軍在牧而後軍在郊也。龜蛇曰旐。後軍所建。旌注旐於干首也。鳥隼曰旗。前軍所建。所謂前朱雀而後元武也。旆。旌飛揚貌。旃。旐。

皆旆旆者前軍後軍同日啟行也憂心悄悄不敢言也秘之至也僕夫況瘁不敢息也速之甚也

王命南仲往城于方出車彭彭旂旐央央天子命我

城彼朔方赫赫南仲玁狁于襄

賦也南仲天子所命之將也朔方北方荒服之外也彭彭衆貌交龍曰旂左軍所建也央央鮮明貌赫赫威也襄除也言軍士北行不知所爲將至朔方而後知王命南仲往城于方也築城而出車建旂者營衛於外乃版築於內也朔方旣城矣乃言天子命我止城朔方其宜城朔方之命者正所以秘伐西戎之謀也朔方城而玁狁之患除者據其要害則形格勢禁不敢輕動也

昔我往矣黍稷方華今我來思雨雪載塗王事多難不遑啟居豈不懷歸畏此簡書

賦也華秀也黍稷方華初秋也載滿塗路也歸塗
遇雪初冬也秋出而冬還者謀秘而行速比獵狁
聞之而城已完也城畢而歸可以緩矣又速行而
不遑啟居者以王事多難不止朔方當日自天子
所又有所受之簡書在焉故不敢歸也城畢言歸
中途乃言不歸又不明言所以不歸之故秘之至
也

嘒嘒草蟲趨趨阜螽未見君子憂心忡忡既見君子
我心則降赫赫南仲薄伐西戎

賦也蟲鳴螽躍深秋也初秋出車秋末相思不敢
望歸而未幾即歸故喜之也南仲未歸而先有歸
者何也數千里而襲人不可以多兵故簡精銳以
西行餘衆皆南還也室家相見而始知伐西戎者
南還行緩西伐行速此至家而捷音已來矣速之
至也

春日遲遲卉木萋萋倉庚喈喈采芣祁祁執訊獲醜
薄言還歸赫赫南仲玁狁于夷

賦也卉草萋盛也卉木萋而倉庚鳴初春也采芣
祁祁室家和平也征夫在途而室家和平者捷音
已至故心安也訊當訊問之人爲首者也醜類也
同謀者也執之獲之西戎服也去秋出車今春還
歸數月而城伐之事皆竣者謀秘而行速故也夷
平也西戎服而玁狁平者翦其黨與則勢孤力弱
永不爲難也

出車六章章八句

詩序曰出車勞還師也外夷之爲中國患者
西北二邊而已北狄強而不富西戎富而不
強兩者合則爲害滋大故欲制玁狁必伐西
戎然伐之則恐玁狁之救之也朔方介戎狄
之間城朔方則西北之路不通然城之又恐

獾狁之爭之也此其謀不可以不秘而行不
可以以不速故出車之詩並不言城朔方突至
其地而城之獾狁不及爭也既城之後並不
言伐西戎出其不意而伐之不惟獾狁不及
救西戎亦不及防也朔方城西戎服則獾狁
之患自息所謂不戰而屈人也君明而斷將
智而勇伐交攻心出奇制勝之道皆具矣迨
其後也漢建朔方之郡唐築受降之城猶師
昔人之遺智焉詩教豈不大哉

有杕之杜有皖其實王事靡盬繼嗣我曰日月陽止
女心傷止征夫遑止

興也皖實圓貌嗣續也陽十月也遑暇也此勞軍
士而代述其情也言特生之杜尙然有實而行役
之人乃獨無家會杕杜之不若也夫以王事靡盬
之故而日復一日不遑啟處此我之分所當然不
敢怨也而婦女之在家者感歲月之遲暮必遠望

心傷以爲征夫亦當休息矣蓋已念室家因念室家之亦念已也

有杕之杜其葉萋萋王事靡盬我心傷悲卉木萋止女心悲止征夫歸止

興也杕杜有實去年秋未戍事將畢故望其暇杕杜有葉今年春暮戍人將還故望其歸也王事靡盬我心傷悲征夫憂王事也公義也卉木萋止女心悲止室家憂征夫也私情也兩者固並行而不悖也

陟彼北山言采其杞王事靡盬憂我父母檀車幘幘四牡瘡瘡征夫不遠

賦也登山采杞望父母也望父母則知父母之憂已矣以王事之故而悲我室家固人情所難堪也以王事之故而憂我父母九天性之至戚也且夫

父母之憂子則無所不至矣自此至篇末皆所憂之事也憂其車之幘幘而將敝矣憂其馬之瘠瘠而已疲矣車馬如此人何以堪則征夫庶幾不遠而將歸乎望之之詞也

匪載匪來憂心孔疚期逝不至而多爲恤卜筮偕止會言近止征夫邇止

賦也載裝逝往恤憂偕俱會合也此承上章言車敝馬疲人不能遠則宜如期而來乃不裝載而來固已憂心甚病至於過期而猶不至則百端交集矣安與否與存與亡與龜卜蓍筮相襲俱作言合於繇而皆曰近矣乃信征夫之果邇而不遠矣范處義曰以卜筮終之見憂之切而無所不爲也

杕杜四章章七句

詩序曰杕杜勞還役也范處義曰出車勞還率故美其功杕杜勞還役故極其情是也夫

行人思家更思其家之思已遊子憂親更憂其親之憂已此已曲盡人情矣乃上之人知其思家并其思家之思已而亦知之知其憂親并其憂親之憂已而亦知之知其勤勞王事則思有以勸其忠知其念切父母則思有以全其孝下知上之體恤倍至而悅以犯難不敢自愛其死上知下之骨月情深而仁以止殺不欲輕用其力則亦無之非教矣此所以爲聖人之經也

南陔

詩序曰南陔孝子相戒以養也有其義而亡其辭朱子曰此笙詩也鄉飲酒禮鼓瑟而歌鹿鳴四牡皇皇者華然後笙入堂下磬南北面立樂南陔白華華黍燕禮亦然

鹿鳴之什十篇一篇無辭凡四十六章二百

九十七句

白華之什二之二

朱子曰毛公以南陔以下三篇無辭故升魚麗以足鹿鳴什數而附笙詩三篇於其後因以南有嘉魚爲次什之首今悉依儀禮正之

白華

詩序曰白華孝子之潔白也朱子曰笙詩也說見上篇

華黍

詩序曰華黍時和年豐宜黍稷也朱子曰亦笙詩也

魚麗于罍鰭鯨君子有酒旨且多

興也罍筍也鰭鯨也鰭鯨也筍小而所獲者大見

魚之多也酒燕之通名統殺羞而言也旨美也旨且多言備物也朱子曰此燕饗通用之樂歌即所薦之差而極道其旨且多見主人禮意之勤以優賓也

魚麗于鰓鮐魚鱧君子有酒多且旨

興也鰓鮐也且旨言適口也

魚麗于罍鰓魚鱧君子有酒旨且有

興也鰓鮐也具難得之物曰有春秋書多麋傳曰魯所有也又書有蜃傳曰魯所無也由是推之所
有之物詫其多所無之物詫其有有而多之易無而有之難故有勝於多也

物其多矣維其嘉矣

賦也物欲其多又恐難取之而不精故尙其嘉也

物其旨矣維其偕矣

物其有矣維其時矣

賦也欲物其旨又恐味一偏勝而不和故尙其偕也

賦也物欲其有又恐强求之而違性故尙其時也蘇轍曰多而能嘉旨而能偕有而能時言曲全也

魚麗六章三章章四句三章章二句

詩序曰魚麗美萬物盛多能備禮也黃佐曰瓠葉采烹炙斯燔炙聖人取焉魚麗之燕無乃過於侈乎易曰大烹以養聖賢夫養賢所以養天下也故聖王重之燕饗所以致其交也故賢士安之燕之於寢饗之於廟禮以食之樂以樂之猶股股若有不及也故魚麗則備物以優賓瓠葉則薄物必與賓共彼述主人之謙詞此達主人之誠意也

由庚

詩序曰由庚萬物得由其道也燕禮笙奏南

咳白華華黍畢乃間歌魚麗笙由庚朱子曰
間代也言一歌一吹也

南有嘉魚烝然罩罩君子有酒嘉賓式燕以樂

與也嘉美也烝衆也罩筐也所以籠魚者罩罩以
罩罩之也此亦燕饗通用之樂歌言南方有嘉魚
則羣然罩之矣國中有賢人則多方求之矣賢者
知其誠心求之故來燕而樂之也

南有嘉魚烝然汕汕君子有酒嘉賓式燕以行

與也汕櫟也所以撿魚者范處義曰魚恐其逸故
罩之使入也魚恐其伏故汕之使出也陸佃曰君
子求賢土籠之如罩下撿之如汕衍飽貌易曰飲
食衍衍是也君子誠於用賢故賢人樂之而至於
醉飽也

南有樛木甘瓠纍之君子有酒嘉賓式燕綏之

與也甘瓠瓠之甘者樛木下垂而甘瓠纍之以與

君子誠於下賢而賢人附之也上下之情互相依

羽
屬者雖烝然來思君子有酒嘉賓式燕又思

興也雖孝鳥烝衆也曹粹中曰始言烝然罩罩烝然汕汕終言烝然來思惟其始之求之者衆故其終致來者亦衆也賢人繼來而君子又燕好賢無已也

南有嘉魚四章章四句

詩序曰南有嘉魚樂與賢也夫賢者豈徒以燕飲爲樂哉必以禮羅而致之所謂罩罩也用其道而顯其身所謂汕汕也上下交而志通情誼結而不解所謂木樛而瓠纍也一賢人安之衆賢人慕之於是乎來之者無已而燕之者亦無已則多士濟濟而庶績成熙矣故君子之治其國家無他道也誠於求賢樂與之處而已矣

崇止

詩序曰崇止萬物得極其高大也燕禮歌南有嘉魚笙崇止

南山有臺北山有萊樂只君子邦家之基樂只君子

萬壽無期

興也以山之有草木興君子之有德壽也臺莎萊藜基本也實心實政以立其本故曰基也能爲邦家之基則其壽宜無窮矣此賓祝主人之詞也

南山有桑北山有楊樂只君子邦家之光樂只君子

萬壽無疆

興也德輝文治蔚爲國華故曰光也

南山有杞北山有李樂只君子民之父母樂只君子

德音不已

興也此承上二章言所以爲邦家之基者善政養民爲民之父母故也所以爲邦家之光者善教覺民其德音不已故也

南山有栲北山有桤樂只君子遐不作壽樂只君子

德音是茂

興也栲山樛桤櫨也此承德音不已也言不已之久則日新月盛而德音益茂所以爲邦家之光者彌彰矣

南山有栲北山有桤樂只君子遐不作壽樂只君子

保艾爾後

興也栲枳栲桤苦楸也黃髮黃也耆老艾養也此承民之父母也言父母斯民之政樂利無窮不止

保黎民並保子孫也首二章之祝壽願之也有是德宜有是壽也未二章之祝壽必之也既有是德斷無不得是壽也

南山有臺五章章六句

南山有臺下報上也魚麗嘉魚主人樂賓此則賓樂主人也樂只君子卽有酒之君子也樂其燕而祝其壽非諛也民者天所生也君者治民者也父母以養之德音以教之則民壽矣君壽天之所生則天亦壽其生生者此自然之理也天保之報上也曰萬壽無疆而歸本於羣黎徧德有臺之報上也亦曰萬壽無疆而歸本於民之父母天人之際可以觀矣

由儀

詩序曰由儀萬物之生各得其宜也燕禮歌南山有臺笙由儀

蓼彼蕭斯零露漙漙兮既見君子我心寫兮燕笑語兮
是以有譽處兮

興也蓼長貌蕭蒿也嚴粲曰諸侯以蕭自喻君臣
之辭也漙露潤貌鄭康成曰君子天子也寫抒也
蘇轍曰諸侯來朝天子推恩以接之無所不及如
零露之於蕭然故其既見天子也莫不思盡其心
之所有以告之天子又申之以燕禮極其笑語之
樂而無間是也譽名也處安也燕語嘉獎則諸侯
之聲名益著是以有譽也燕語款洽則諸侯之祿
位益安是以有處也

蓼彼蕭斯零露漙漙既見君子爲龍爲光其德不爽
壽考不忘

興也漙漙露漙貌龍寵也光榮也燕而受天子之
寵眷其光榮莫大焉爽差也不爽心服其德也呂
寺義所中

祖謙曰德施之普使遠近大小親疎各稱其分莫
不滿足是也壽考不忘諸侯頌天子之詞欲其億
萬斯年常如此不爽也

蓼彼蕭斯零露泥泥既見君子孔燕豈弟宜兄宜弟

令德壽豈

與也泥泥露濡貌孔盛也豈愷切弟樂易也言燕
禮甚盛其語愷切其情樂易也兄弟諸侯之在燕
者也天子猶父母也諸侯猶兄弟也天子豈弟之
德恰於諸侯諸侯化之亦互相親睦是諸侯之兄
弟相宜皆天子有以宜之也諸侯沐天子之令德
故祝其壽而且豈欲其億萬斯年常如此豈弟也

蓼彼蕭斯零露濃濃既見君子儔革冲冲和鸞雝雝
萬福攸同

與也濃濃露厚貌儔革馬轡冲冲調適也和鸞車

鈴在軾曰和在鑣曰鸞離離和聲也此天子既燕
諸侯而賜之以車馬也采菽之詩曰君子來朝何
錫予之雖無予之路車乘馬是也韓奕之詩曰王
錫韓侯篚第錯衡鞞靽淺幟皆車飾也和鸞之屬
也又曰鈎腐鏤錫倕革金厄皆馬飾也倕革其著
也攸所也同聚也既燕樂之又錫予之德意之厚
如零露之濃然則萬國諸侯皆愛戴天子矣萬國
之所歸卽萬福之所同也

蓼蕭四章章六句

詩序曰蓼蕭澤及四海也易曰地上有水比
先王以建萬國親諸侯夫天子深居九重與
海隅蒼生至隔遠也故衆建諸侯以治之天
子親諸侯使諸侯各親其國則萬國與一人
相比而無間矣蓼蕭之詩燕語龍光天子親
諸侯也壽考同福諸侯親天子也宜兄宜弟
諸侯自相親也諸侯親天子又自相親同宣
天子之德意以親其民故恩誼聯於堂陛則

湛湛露斯匪陽不晞厭厭夜飲不醉無歸

膏澤治於四海非虛言也左傳昭公十二年
宋華定來聘享之爲之賦蓼蕭弗知又不答
賦昭子曰燕語之不懷寵光之不宣令德之
不知同福之不受將何以在由昭子之言繹
之是有譽處懷燕語也其德不爽宣寵光也
宜兄宜弟昭令德也萬福攸同祝天子之受
之也亦可以知此詩之義矣

與也湛湛露盛貌陽日也晞乾也厭厭安也亦久
也足也夜飲私燕也楚茨之詩曰備言燕私是也
歐陽修曰湛湛之露潤露於庶物非至曙則不乾
厭厭之飲恩被於諸侯非至醉則不止見天子待
諸侯之厚也

湛湛露斯在彼豐草厭厭夜飲在宗載考

與也豐茂也宗宗室也路寢之屬燕禮膳宰具官
饌於寢東是也考成也劉瑾曰在宗室而成燕禮

也朱公遷曰露在豐草則高澤深飲在宗室則恩
意隆也

湛湛露斯在彼杞棘顯允君子莫不令德

興也顯明允信也謝枋得曰顯者其心明達信者
其心忠誠也朱子曰君子諸侯之爲賓者也令善
也令德謂其飲多而不亂德足以將之也蘇轍曰
露之在草也如將不勝其在木也則能任之矣將
言其無不醉故以豐草言之將言其醉而不亂故
以杞棘言之也

其桐其椅其實離離豈弟君子莫不令儀


興也離離垂也令儀言醉而不失儀也蘇轍曰椅
桐雖實繁而枝不披君子雖至醉而儀不亂陸佃
曰杞棘剛木故以况令德椅桐柔木故以况令儀
也輔廣曰明信者固宜有堅定之令德樂易者則
恐其或略於威儀豈弟而有令儀此所以爲成德
也旣醉則情或佚矣在宗則儀可略矣然而莫不

令儀此所以爲成禮也黃櫨曰上之所以所以繩下者愈寬下之所以所以自繩者愈嚴君有餘恩臣有餘敬也

湛露四章章四句

詩序曰湛露天子燕諸侯也春秋傳甯武子曰諸侯朝正於王王燕樂之於是乎賦湛露則天子當陽諸侯用命也會鞏曰前言厭厭夜飲後言令德令儀雖過三爵亦可謂不繼以淫矣

白華之什十篇五篇無辭凡二十三章一百四句



令儀此所以爲成禮也黃標曰上之所以所以繩下者
愈竟下之所以自繩者愈嚴若有餘恩臣有餘敬
也

湛露四章章四句

詩序曰湛露天子燕諸侯也春秋傳甯武子
曰讀侯朝理於王王燕樂之於是乎賦湛露
則天子當陽諸侯用命也會輦曰前言厭厭
夜飲後言令德令儀雖過三爵亦可謂不繼
以淫矣

白華之什十篇五篇無辭凡二十三章一百四
句

